

# *SIEMBA SABUTOKWA*

 Halu inamiseni litoho zaluna cwale kwa tapelo. Mi litoho zaluna ni lipilu hali inami cwalo fapila Mulimu, Ha—Ha ni zibi haiba ki babakai mwahala mo babana ni kupo yeo ba tabelia kuli Mulimu a hupule, ka ku nanula fela mazoho a mina? Cwale, mu swale kupo ya mina mwa lipilu za mina cwale hanze lu lapela.

<sup>2</sup> Mulena Jesu, Wena u—u Liweluwelu, Liweluwelu le li sa kali la Bupilo, buba ku luna kacenu, Mulena, mi ulu kenise kwa ku salumela kaufela ni sibi sa luna kaufela, kuli lukone kuyema fa Pila Hao cwale, ka kuziba kuli kuna ni butokwi mwahala luna, mi ni kuli lu ziba kuli lu baeza libi mi halu—halu swaneli nihaiba mbuyoti yekana. Kono cwale ha lu hupula za Hae Yana tile ku tonga libi za luna! Fohe, haiba Mali a Hae ateni, ha ki—ha ki luna Fapila Mulimu, ki Yena. Ki linzwi la luna fela mwa Mali a Hae. Mali a Hae kona a bulela. O Mulimu, konakuli kenisa lipilu zaluna kwa sibi ni kusa lumela.

<sup>3</sup> Ulufe litakazo za lipilu za luna, kakuli luna ni litakazo ze luli za ku Ku sebeleza. Mwahala buino bo bu fokola bo ni maswenyeho, ni lika za lifasi ze beiwa ku luna linako zeñwi, ku to lu petahalisa; lu bulelezwi cwalo. Mi ki Hali, “Musike mwa nahana kuli ha ki swanelo miliko yeo hanze i taha.” Ibeleka fela kwa bunde bwa luna ni kwa ku lu petahalisa, ni ku lutisa mwa sibaka seo. Ona mahalaupa amatuna a zibo yeo, koo baana baba lukile ba bupiwa mwa libupiwa za ba bakenile, lwa—lwa itumela ku Wena ka zibo ye, Mulena. Hakuna sika, se lu bata kueza ka ku shutana ni tato ya Hao. Kono lwa lapela, Ndate, kuli ku se lutiswe bukaufi ku Wena.

<sup>4</sup> Mi cwale mitiyo haise ili bukiti hahulu kuli lupalelwa kuya kwapili, konakuli lu nanula mazoho a luna ni ku huweleza ku Ndata luna. Mi u lu utwe uli kwa Lihalimu, Mulena.

Lu folise, lu eze hande, kabakala Mubuso wa Mulimu.

Fuyola Linzwi la Hao kakusasana cwana, Mulena. Linzwi la Hao ki yona Niti.

<sup>5</sup> Mi lu kopani cwale mwa keleke mo. Lu lapelela Muzwale Neville, ni Muzwale Capps, ni Muzwale Collins, ni bakutazi baba siyezi kaufela, mi ni—mi ni basepahali, madikoni, ni keleke kamukana, ni baenyi mwahala luna. Mi le halibe lizazi le lu kana lu hupula kamita, bakeñisa Kubateni kwa Hao.

<sup>6</sup> Luteni mo mwataswa tibelelo yetuna kakusasana cwana, Mulena. Kona lu sa zo zibiswa fela, lu bizizwe hamoho. Lu ikutwa kuli ki ka mulelo. Mulelo wa Hao ha u ezahale, Mulena.

Kakuli lu likupa ka Libizo la Jesu, halunze lu ikokobeza ili luna. Amen.

<sup>7</sup> Ki hande kuba mo ni ku kopana ni keleke ye yetezi batu. Ne ni sa kulubeli kuli kukaba nihaiba yomukana mwahali mo kakusasana cwana, kakuli Ne ni si sa zibi, na kasibili, kuli Ne ni kaba kwanu.

<sup>8</sup> Kona lu sa zo zwa kwa Philadelphia. Mi kacwalo se Ni kena, ka ku nahana kuli Ne ni kaya kwa Arizona kapili cwanoñu fa, ku yoba ni sebelezo ya maswabi a mulikana ka, Kapitao Jim Moseley, ki mushimani yomunde, wa bumulimu yene Ni tisize ku Kreste ha ki kale hahulu, bani mizwale babalalu ba ha Moseley. Mi alimuñwi wa bona a wa, mi nali mwa fulai zazi leliñwi, mi a bulaiwa ona foo. A lobala mwa mulilo ka lihola ze lishumi ba si ka mu zusa kale mwateni. Kacwalo Lee una ni myaha ye mashumi amabeli ka yeketalizoho ni zetaalu ya kupepwa, musala hae ki mashumi amabeli ka a ketalizoho ka a silezi, mi—mi usiile bana babalalu; yo muhulu hahulu, myaha ye supile. Kinto ye utwisa butuku. Mi ba . . . Hane ba mu tisize, se ba to mu pumbeka habusa lelitatama. Kacwalo Ni bile ni . . . Ne ni si ka ya. Mi se Ni ñola fela, kamba kuluma ka kuitusisa telegiramu, sene Ni ka bulela, kamba sene Ni ka bulela fa maswabi a Muzwale Moseley. Liká zeñwi ze halukoni ku li utwisia, kono kanti Yena ueza lika kaufela hande ona cwalo.

<sup>9</sup> Luteni mo mwa sebelezo ya Mulena, kakusasana cwana, ka kuziba kuli—kuli—kuli lu lumela ku Mulimu, kuli lu lumela kuli Uka eza lika kaufela kuba fela hande. Hakuna taba kamba ki sikamañi, ni mo si belekela, lu ziba kuli sina ni ku “beleka ka bunde.” Na sepisize cwalo. Sina ni fela kuba ona cwalo. Fokuñwi halukoni ku utwisia zateni, libanga ze tata maswe ka linako zeñwi, kono niteni lu ziba kuli ki Niti, kakuli Bibebe ibulela kuli ki Niti. Mi ni Bibebe, ku luna, ki Mulimu mwa mufuta wa litaku.

<sup>10</sup> Cwale, luna ni kutoma tumelo ya luna kokuñwi. Mi haiba—mi ha Na kamba yomuñwi wa luna, mwa bupilo, yaka lika kuba ni bufumu mwa bupilo ni kuba, linako zeñata, mwendu wa ma milioni aeza lule lule, kono ki sikamañi se lu ka eza ka zeo? Luna ni kutaha kwa mafelelezo a nzila, mi ki—ki bunde mañi ku luna he? Mwabona? Mi masheleñi ki—ki a kekezo, ki sibyana sa ku cincanisa lika ni sona, kono hamukoni ku a cincanisa ni Bupilo. Mulimu fela ki yena yana ni Bupilo.

<sup>11</sup> Kacwalo lu—lu lemuha kuli luteni fa ka buino bwa ze maswe. Haibile kuna ni sika sa buhata, kuna ni kuba zende. Haku koni kuba ze maswe kusina za niti, mwabona, kakuli ki zende ze panga ze maswe. Inge hane mukaba ni siswaniso sa nto yeñwi. Kuna ni kuba ni sika sa luli kokuñwi, kamba fa ku monyeaha, liseli limonyehe fa liito lani, kusi cwalo hakuna kuba ni—ni siemba se si maswe sani. Kacwalo ha lubona kuli bupilo bwa luna bumwa bumaswe, mi ni ka kuziba kuli lu mwa sibupeho

sa bupilo bobuñwi kokuñwi, kona kuli lu ziba kuli kuna zende kokuñwi zeo liseli li monyehezi fateni, mi si bonisa sika sa fa lifasi fa. Mi luna lu ponahazo fela yani. Sibupeho sa niti siteni kokuñwi. Haiba sani ha ki sona, konakuli Ni mutu ya pumilwe hahulu mwa lifasi; Ni pilile bupilo bwaka mwa mbango. Kono Na ziba, kusina nihaiba ku kakanya, kuli siteni. Mwabona? Kona haluli mo. Mwabona?

<sup>12</sup> Ha Ni bona mina sicaba hamu taha kwanu mwahala naha, ka temuso ya nako ye kuswani, mi fokuñwi ki ku akaleza, konakuli si ni eza kuikutwa kuba yomunyinyani hahulu ha Ni taha mwa mukopano sina cwana; ka ku nahana kuli Ni ziba sicaba kwanu ba zamaile limaili ze mianda anda, ili fela ku toba mo ka mizuzu yelikani ya sebelezo, kuli ba to ina fela mo.

<sup>13</sup> Musali yомуñwi na bulezi, hana tile zazi leliñwi ali, “Uni bonise fo ku zamaile mutu yani, mi utuhele ni zamaye mwa mulaho wa hae, fa mubu,” ali, “Ni kaba hande.” Cwale, batu ba mi lumela kuba cwalo, mi mu bayemeli ba Kreste, konakuli ki sikamañi se luna ni kueza? Luna ni kuba baba tokomela hahulu, kakuli ha mu isinyi ili mina fela ka bumaswe, mu sinya ni babañwi baba mi latelela.

<sup>14</sup> Kacwalo, Na hakuna kopano kamba sika kaufela ko ni lukela ku miisa teñi. Kuna ni fela nto ilimu yeo Ni na ni tumelo yaka ku yona. Haiba mwa ni lumela, mu latelele se Ni mi bulelala. Kakuli, Ni lumela Bibele, kuli kona Linzwi la Mulimu. Liká zeñwi li ka palelwa. Na fela . . . Yena ki Bupilo. Yena ki Linzwi.

<sup>15</sup> Cwale, Ni ziba kuli mina . . . Ha Ni tahanga kwanu, Ni mi inisanga hahulu nako yetelele. Ni lapezi ku Mulimu, hane Ni utwa kuli Ni bata kutaha kwanu kacenu. Ni bile ni lipuzo ni likalabo zeñata hahulu ni lipizo za mawaile, ni zeñwi cwalo. Ni bile ni ku kopana ni babañwi ba bona kakusasana cwana. Mi se Nili, “Kihande, Muzwale Neville hakuna ku kakanya uka ni kupa kuli ni kutaze.” Fani neli la Bufaifi. Mi se Nili, “Muzwale Neville hakulata uka ni kupa kuli ni kutaze. Mi ha Ni ka eza cwalo, konakuli Na lapela, Mulimu . . .” Ku cisize hahulu, kubile kucisa hahulu. Mi Ubile yomunde ka ku lu lumela pula yetilo kuyula buhali bwa kucisa bwani, ni ku lufa kakusasana omunde kakusasana cwana. Ni lapela kuli bunde bwa Hae bu ka suluhela ku mañi ni mañi wa mina kaufela, kuli kamita mukana mu hupula kuba mo kakusasana cwana. Mi sishemo sa Hae ni limbuyoti libe ni mina!

<sup>16</sup> Maabani busihu ne Ni potezi mulikani yana kula, Muzwale Bill Dauch. Hani muboni mo kakusasana cwana. Mwendi, Hani muboni. Oh, ki yo fa. Uinzi . . . Eehe. Mi ne Ni nahana, “Muuna muhulu wa myaha ye nainte wani ya kupepwa, kono u sa itiisa mwa silami sa—sa naha ye, mwahala mahalaupa, ni mwa malundu a puka ni mikwakwa yetelela. Ha lukeli kueza cwalo. Mulimu ubile yomunde ku yena; ha lukeli kueza cwalo. Na lukela

kuba kwa ndu ni batanga inge ba mu fukiseze moyo, haiba na ka lata cwalo." Kono, sesiñwi si ezahalile ku Bill Dauch, na pepilwe sincia. Mi hane kuli cwalo, sesiñwi sa kena mwa pilu ya hae, kuli sa pilela cwale seli fela ku fumaneha kwa lisebelezo. Mi cwale haiba Nina ni kuba mulomo wa Mulimu, kana Ni ka puma mulikani ya cwalo? Kihande ni shwe fela he. Konakuli mu tuhele kuli ni mu bulelele sesili Niti yezwa mwa Bibele mo. Mi, leo ki Linzwi la Mulimu. Ni kutakela fela Sa bulezi yena.

Cwale Ni bata kubala manzwi nyana mwa Bibele.

<sup>17</sup> Lusika bala kale, Ni tabela ku—ku bulela kuli Ni lumela kuli busihu bwa kacenu ki busihu bwa mulalelo. Mi mina baba kwanu mwa sibaka se...Kakuli, batu babañwi na sepa ba ka kutela kwa malapa a bona, kakuli bana ni kuya kwa misebezi. Mina baba fumaneha mwa sibaka sa puteho ye, muhupule, mizwale ba kafa mulalelo busihu bo.

<sup>18</sup> Cwale, Ni libelezi pizo ya mafelelezo ya kwa Africa. Neba si ka, ni lumeleza kukena kakuba mubuleli. Kacwalo mukwa fela o Nikona kukena ka ona, kwani...Ni ya kwa Kenya, Uganda, ni—ni Tanganyika. Mi nzila fela ye Ni kona kuya ka yona...Pili, likeleke halikoni kuku lumeleza ku kena, kakuli ba bata kuli ni kutaze nto isili kwa neku *le ni neku lani*, mwani mwa Africa. Mi Hanina kukena mwateni ka mukwa wo. Hanikoni kuba muipi yaka eza ze cwalo. Kacwalo Ni ka ba bulelela fela kuli, "Batili, sha, Ni ka kutaza fela Mulimu sa ka beya mwa pilu yaka, mi kipeto." Mwabona? Mi Na sepa haina kuba se ba bata kuli ni lute. Kacwalo, likolobezo za bulaalu, ni zeñwi ze cwalo, ni ku kanana ni bona. Batili.

<sup>19</sup> Kono Ni bizelizwe kwa mukopano o mutuna, ki Muzwale Boze. Uinzi bukaufi hahulu ni kubona liseli la se lu lumela. Mi kacwalo Ni kupilwe kuli ni ye inge kuli Ni ya mwa musipili wa kuzuma. Haiba baka ni lumeleza kukena, inge ya kenela ku yo zuma...Haiba Ni kona kuba ni mutu yaka bulela kuli wa ni nga lu yo zuma, konakuli ha Ni ka fita kwani, dokota—dokota uteni kwani kwa sikwata sa lindumeleti, ki mulikana ka luli, ya zwa kwa Chicago. Mi Ni sa yo fita fela kwani, u li, "Kihande, ki yo Muzwale Branham kwanu. Halu beni ni mukopano." Kacwalo, kasamulaho Ni ma no ba kwani, sikwata sa lindumeleti hasikoni ku ni hanisa. Haiba baka...Konakuli balika ku lukisa lika zeo cwale. Kacwalo Ni sepa kuli si...Haiba ki tato ya Mulimu, ku ka ezahala ona cwalo. Mwabona? Ki—ki ku libeya fela ku Yena. Haiba ha ku cwalo, konakuli Ni ka mi zibisa. Hanina ku...

<sup>20</sup> Haiba ki tato ya Mulimu, konakuli, Ni bata kubulela fa Litolombita Zesupa. Mi sani sikaba sebelezo ya mazazi a eiti, mi haluna kuba mwa tabernakele mo, mwendi. Lu lika kubata muyaho o mutuna kwanu.

<sup>21</sup> Cwale Nali kuba ni nahane, za muyaho o mutuna o sweli kuyahiwa kwanu woo, ki kona luli kone Ni boni Jesu ka nako ya

pili mwa pono. Cwale ku yahilwe, muyaho omutuna u tomilwe ona fa sibaka se si swana. Ne ni ile kwani zazi leliñwi, ku yo talima. Hane Ni talimile na Mu bona inza talima kwa neku la upa, mwa hupula hane ni bulezi ka zona, hane Ni li kwani inge ni lapelela bo ndate; nenili—nenili mushimani nyana, fela wa mukutazi. Kwani kona kone Ni Mu bonezi. Ni muhato, na Mu talimela; Na isize toho ya Hae kwa neku lisili kuzwa ku na. Na tundamena ku zamaya zamaya cwalo, ku ikomona fa mumizo, mwa simu ya macacani. Mi Na tundamena ku talimela, mi Na si ka fetuha. Mi se Ni biza Libizo la Hae nali, “Jesu.” Mi Sa itemuna, a otolola mazoho a Hae, mi kona fela ze Ni hupula kufitela musihali tuna. Mi kacwalo Na zwa mwa simu, inge ni zamaya katwa ka malumba musihali tuna.

Kacwalo mwendi Mulena uka ni lumeleza ku kutaza Litolombita zani. Kaufela ko liinzi, tato ya Mulimu i ezahale.

<sup>22</sup> A mu apule Libibele za mina cwale, ku Isaya fifite-... kauhanyo ya 53 ya Isaya.

Cwale, lu sepa kuli Mulimu uka fuyola ku itiisa kwa luna ko ku nyinyani ka kutaha hamoho kakusasana cwana. Kona lu sa zo kuta fela kwa Philadelphia, kone Ni inzi kwa mukopano wa Baana ba Pisinisi ya Evangelii Yetezi, ne ni teeleza kwa bupaki bwa bona bo bu shutana shutana ni zeñwi cwalo, ona kwani.

<sup>23</sup> Mi Na, mwahala musipili, Ne nili... Billy Paul ni Na, ni Rebekah ni musizana yomunyinyani wa Collins, Betty Collins yomunyinyani. Mi Billy ukona hahulu ku lobala, haili Becky yena wa isiyela, mi kacwalo Na... Betty ni Na ne lu ambola. Mi na inezi kwa mulaho ni Becky, mwa sipula sa kwa mulaho. Mi Na bona nto yeñwi mwa mukwakwa, ye ezahala; mi, hane Ni iboni, sesiñwi sa ni tahela. Mi Betty, haiba uteni mo, a lemuha kuli se Ni tuhela kubulela ni kukala kuñola cwalo. Kona fo ne Ni zuselize toho ya taba ya kakusasana cwana.

<sup>24</sup> Cwale halu yemeñi. Haiba luka... Cwale lu yemanga ka kufa likute kwa Linzwi la Mulimu, hanze Ni bala mwa Isaya kauhanyo ya 53.

*Ki mañi ya lumeli pihö ya luna? mi lizoho la MULENA li bonahezi ku mañi?*

Mulemuhe, ki puzo, ka kukala.

*Kakuli uka hula sina simela se si bunolo, mi sina mubisi o... omile mwa mubu: hana mufuta kamba bunde; mi ha lu ka mubona, hakuna bunde bo lu lukela ku lakaza ku yena.*

*Ki ya kendilwe mi u hanilwe ki batu; mutu wa maswabi,... ya twaezi manyando: mi lwa sabisa lifateho za luna ku yena; a kendiwa, mi ha lu si ka mu tokomela.*

*Kaniti u lwezi maswabi a luna, mi u lwezi manyando a luna: nihakuba cwalo lwa mu talima sina ya natilwe, ya holofalizwe ki Mulimu, mi ya nyandile.*

*Kanti sa na titikezwi neli libi za luna, sa na holofalezi ki bumaswe bwa luna: koto ye lu fumanî kozo ka yona iwezi yena fahalimu; mi halu folisizwe ki ka miupa ya hae.*

*Kaufela luna ne luswana sina lingu ze latehile; lwa ya mañi ni mañi ka nzila ya hae; mi MULENA u beile fahalimwa hae bumaswe bwa luna kaufela.*

*A nyandiswa, mi... a natiwa, niteñi a si ka atamisa mulomo wa hae: a tiswa sina ngu yetaha kwa silaha, mi sina ngu ye fapila bakuti ba yona... a kuzize, kacwalo na si ka atamisa mulomo wa hae.*

*A kenyiwa mwa tolongo ha zwile mwa katulo: mi ki mañi ya ka bulela lusika lwa hae? kakuli na bulailwe kuzwa mwa naha ya baba pila: a holofala bakeñisa bumaswe bwa sicaba sa ka.*

*Mi aikabela libita ni baba maswe, mi ni bafumi mwa lifu la hae; kakuli hakuna bumaswe bwa ezize, mane nihaiba bupumi ha bu si ka fumanwa mwa mulomo wa hae.*

*Kono MULENA na latile ku mu holofaza; yena... a mubeya mwa maswabi: ha uka beya moyo wa hae kuba sitabelo sa sibi, mi uka bona peu ya hae, mi uka ekeza kwa mazazi a hae, mi tabo ya MULENA ika bonahala mwa lizoho la hae.*

*Mi uka bona manyando a moyo wa hae, mi uka kuliswa: ka zibo ya hae batanga babañata baba sepahala baka beiwa baba lukile... buñata; kakuli uka lwala milatu ya bona.*

*Kabakaleo Ni ka mu abela siemba ni bafumi, mi... uka abela lifa la hae ni baba tiile; kakuli u file moyo wa hae kwa lifu: mi a balelwa mwahala lisinyi; ni kulwala libi za babañata, mi alapelela baeza libi.*

<sup>25</sup> Mulimu Ndate, Linzwi la Hao ki Lambi, ili Liseli le li monyehela nzila ya mulumeli kaufela ya taha Fapila Mulimu, ha Linze li lu lwala sina lumonyi mwa lizoho la luna. Ha u sika lufa hahulu kuli lubone kwa mafelelezo kuzwa kwa makalelo, mi, kono Ni zamaya ka tumelo. Kono sina mutu ya zamaya mwa mushitu o lififi mi ili busihu, mi kona ko lu inzi cwale; liseli la sweli, li mu tusa fela muhato ka muhato. Kono haili nzila, ni ha iya inge i kambama, ki ku zamaya fela ni Liseli. Mi tuhela kuli Liseli li benyeze fa Linzwi, ku to lu etelela muhato ulimuñwi fa bukaufi ni Mubuso wa Mulimu. Kakuli lu likupa ka Libizo la Jesu. Amen.

Ha muine.

<sup>26</sup> Tuto ye Ni ikutwa kubulela kwa kopano kacenu kikuli: *Siemba Sabutokwa*.

Kukona ku bonahala nto ye nca fa kunga—kunga palo ya Liñolo sina ye, ya—ya siemba sa liswaniso ze holofezi hahulu ni ku bulaiwa sa Bibele, kuli Bibele ha ibulela cwalo, kuli, “Yena Mutanga ya petehile yana nyandile yoo, ni ku holofala, ni ku pazulwa,” mi kipeto lunge palo kuzwa fo kucwalo, ye bizwa, kuli *Siemba sabutokwa*. Ki nto yenca luli. Kono Ni . . .

<sup>27</sup> Munahano wa ka wa nahana, kakusasana cwana, halunze lu kuta kwa mulaho, Na nahana, ka myaha ye likani. Ne ni memilwe kwa Forest Lawn, mwa—mwa California, fa halimu a Los Angeles. Mulelo wa ka wa pili ka kuya kwani neli kuyo—kuyo pota ku Aimee Semple McPherson, mukalisi wa muzamao wa ba Foursquare. Mi Na ya kwa—kwa libita la hae. Mi ni ha ne ni shutana Ni—Ni musali yani, kakuba mukutazi, kono, niteni, mwa pilu yaka, Ni ba ya ikokobeza ni likute ku—ku sa na yemezi, mwa—mwa hola, ya manyando ni lika zeñwi za na bile ni kufita ku zona, mi ni nako ya kuba kwa hae mwa lifasi. Mi cwale ka mwana—mwana hae wa mushimani, ya nali mulikana ka wa fa sifuba, Rolf McPherson.

<sup>28</sup> Mi ni sikuwata sa bakutazi, ne luile kwani. Mi ba . . . ne lu sina nako ya kuya kwa—kwa . . . mwahala sibaka—sibaka ko bana ni kucisa lika, ni kubeya mu—mu mubili mwa—mwa kapongisi kaka nyinyani kwa matuko a limota.

<sup>29</sup> Mi mwahali mwani bana ni lika ze sa siyezi ku ezahala, ze cwale ka Mulalelo wa Mafelelezo. Mi li monyehiwa ka liseli le liswana la lizazi. Mi ba—ba na ni likwalo ze ba fa . . . Haba kena mwani, ki liseli; mi cwale ha—ha ba kala kubulela, kwa unsufala. Mi kasamulaho nyana kaufela kwaba lififi, mi kipeto sicaba si zwela kwande. Mi kaufela baba ni Mulalelo.

<sup>30</sup> Mi musali yana sweli likunutu za mwa kunatela komoki ye mwa sibaka se, kiñi, kupanga maswaniso ao, kiñi, li—li taha ka lubasi, ka myaha ye miñata kwa mulaho. Mi ni bukwala bwa teni ne bu filwe kwa bana, mi wa mafelelezo neli musali. Mi ne ba lukisa siswaniso se. Mi hane bailo luba ni ku cisa komoki—komoki, ku ibesa, ya Judasi Isikariota, se i panca. Kacwalo he balika cwalo hape, mi ya panca hape. Mi musali ali, “Mwendì Mulena luna halati sila sa Hae kuli si swaniswe kwa tuko ni Yena.” Mi ali, “Haiba i panca hape, haluna ku feleza siswaniso seo.” Kono ne i inelezi ka nako yani. Mi, kakuli, yani neli nto yetuna, ni lika mone li ka ezahalela.

<sup>31</sup> Kono, he, iliñwi ya lika za butokwa zene ni tabisize mwa Forest Lawn, neli siswaniso sa Michelangelo, sana betile, sona—sona sibupiwa sa Mushe. Ki—ki se si bupilwe ku sani, ka niti. Ha ki sa makalelo, kono neli nto ya kuli—kuli ki siemba sesitura

sabutokwa. Mi Na yema ni kutalima ku sona, Na—Na lata cwalo, nto ye swana sika se (si yemelwa) ki nto yeñwi.

<sup>32</sup> Na lata litalenta za bubeti, hande luli. Ni lumela kuli Mulimu uteni mwa litalenta za bubeti. Ni lumela kuli Mulimu uteni mwa lipina. Ni lumela kuli Mulimu uteni mwahala pupo. Mulimu uinzi kai ni kai. Mi sika kaufela se si shutana kwa sika sa makalelo si lyangani. Mulimu uinzi mwa kubina; isiñi mukwa o mubina ka ona kwanu. Kono cwale bana ba bashimani ni basizana ba Mulimu habali mwa Moya wa Mulimu, mwabona, kwani kona kubina. Kono sina hane luna ni kulwana ni zona kufitela tu kiloko ya kakusasana cwana, kono mwani mwa linzila, kwani kona kulyangana kwateren.

<sup>33</sup> Kono, se, mi ni siemba sabutokwa sana ezize Michelangelo na—na ezize, sa—sa mu tiseza kuli aeze sani—sani. Nali muuna yomutuna, mi sa tisa siemba sesituna sa bupilo, kakuli nana ni myaha yemiñata, ñata mwa kubeta kwa hae. Na ngile fela licwe la—la butokwa, ni ku zwelapili kubeta. Mi, mwabona, ki mutu fela, mubeti yena kasibili, una ni mwa munahano wa hae lika za lika kueza. Yena, ki yena. Mwakona ku zamaya ni kubulela kuli, “Kiñi ha u cakula fa licwe leo?” Ku wa kwande, ki mañi ya sa se si mwa pilu ya hae, ki bukuba. Kono ku mutu, mubeti yena kasibili, yena—yena aba ni—ni pono mwa munahano wa hae, sa lika kueza, mi ulika kueza sa nani mwa munahano wa hae mwa mufuta wa—wa sibupiwa sa kubeta. Lani kona libaka ha sweli ku cakula mwa macwe.

<sup>34</sup> Mi ki se, sa eza, muna ni kukala hande, kwa makalelo, mi muna ni ku latelela mukwa wo. Mwabona? Hamukoni kuba ni siemba nyana, ka kukala, “Luka eza *cwana*; batili, Na lumela . . .” Batili, una ni kuba ni mukwa o lukile. Mi mwa munahano wa hae una ni mukwa wateni. Mi hakoni ku keluha kwa mukwa wani. Cwale, ka kukona kueza seo, na swanisize mwa munahano wa hae, kakuli haluna siswaniso sa luli sa Mushe, kono nana ni kuba ni siswaniso sa mwa munahano wa muhupulo wa hae, ka sa nali sona Mushe ona cwalo.

<sup>35</sup> Cwale, mubeti wa niti wa susumezwanga, sina muloki wa niti, kamba muopeli ya zibahala kaufela, muopeli, kaufela se si kona kuba sona. Za niti kaufela lina ni kutaha ka susumezo. Michelangelo na nani susumezo ya mwa na bonahalela Mushe luli. Mi a iswala mwa munahano wa hae, ona mwa na lukela kubela Mushe. Kacwalo atoma siemba sesituna sa licwe lelituna, ku pumaka kuya ka mukwa, ni ku shetumuka, ni ku bolosola ka bukwala inza shetumuka, kufitela a to fita fa siswaniso sa seo nali sona mwa munahano wa hae.

<sup>36</sup> Mi cwale hana bile ni sona ka kupetahala, kalulo yateni kaufela, ni sibaka kaufela a swala fateni, ni meto inge ainzi fela hande, mulili kaufela, ni mulelu, kaufela zona mo ne li inezi, a yemela fahule mi a si talima. Na—Na sepa kaza—kaza

buñata, bwa myaha ya kuikataza, ni mwa na bezi ni pono yani ye swana ka nako kaufela, mwa munahano wa hae, ka sa na ka eza. Mi cwale mu nahane fela, pono yani mwa munahano wa hae wa myaha yemiñata, kuli si bonahale ona cwalo fela mone si inezi! Na bile ni pono pili, ni mwa na belekezi kwa pono yani, ku pumaka ni ku shetumunafafasi! Mi hana fitile fa na si petahalize, kufitela siba se si petahalile hahulu; ayema ni ku si talima ha na sa felize kakusasana wani, ni sando mwa lizoho la hae.

Mi na susumelizwe hahulu hana si talimela, kakuli pono ya munahano wa hae ne iyemi fapila hae, mwa buniti. Sa na boni, mi ni... muhupulo wa hae ka seo Mushe nali sona, fani ne si swanisizwe fapila hae, sana nani mwa munahano wa hae myaha yee kaufela. Mi kuikataza, ni lihola za butuku ni sikobyoti, ni bahanyezi, ni lika zeñwi kaufela, kono niteni aina hande ka swanelo ya pono kufitela i talelela.

<sup>37</sup> Mi cwale hane ifelelezi, asuta mwa mulaho ni sando, kamba sando ya mubeti, mwa lizoho la hae, ni kutilima fa sibupiwa sani. Mi susumezo ya pono yana boni, ka mwa ku ezeza, ya mu susueza hahulu kufitela a.... Susumezo ya mu swala kufitela aba sina ya lyangani, mi a si nata sa liñwele, ni kubulela kuli, “Bulela!”

<sup>38</sup> Cwale kuna ni sinyeho fa sibupiwa sesituna sani, fa liñwele, liñwele lwa kwa silyo. Fahalimu a liñwele fela, ku likana ni mainci a silezi, kona sibaka sa teni (Ni sweli lizoho la ka fateni) ku tungile sina *cwana*.

<sup>39</sup> Kasamulaho amano ba ni nako yani kaufela, ka myaha ni myaha, fa ku bupa se; mi mwatasi a—a susuezo ya kubona ku talelezwa kwa sene sili mwa pilu ya hae ni mwa pono ya hae, ni ku lakaza ku bona, ne si felile. Mi hane si felile, na susumelizwe hahulu ka sona kufitela a hupula kuli siemba sabutokwa sa hae kasibili ne si lukela kubulela ni yena. Mi a si pobola fa liutu, mi a huwa ali, “Bulela!” Mi sa ba ni ku sinyeha ku sona. Kwaba ni sinyeho sa siswaniso sani.

<sup>40</sup> Ku na, sinyeho kona yene si ezize kuba siemba sabutokwa. Cwale, mwendi kwa—kwa munahano o kona ku nahana ka ku shutana, mu nahana kuli sani neli sinyeho. Batili, ku na, ne—ne si ezize kuba mone si inezi. Ne—ne... Kakuli kasamulaho wa myaha yemiñata hahulu ya ku beleka ka tokomelo ni kuikataza, ni susumezo, ni zeñwi cwalo, ya ku si panga, kuikataza kwa hae ne ku si ka ba kwa mbango. Ne ku petahalile, mi kona hana huwile kuli, “Bulela!” Kakuli, na boni kale kwa mulaho kuli (nali) ya kona ku feza, kuli a bonahalise pono yeneli mwa munahano wa hae. Mi kabakaleo, mwataswa susumezo, aeza sika sa na si ka lela, nto yene sa zibahali. A si pobola, ni ku huwa kuli, “Bulela!” Mwabona, na sike kueza cwalo kambe na nahatile. Kono na si ka nahana. Neli susumezo ya kubona sana nani mwa

mihupulo ya hae inge si yemi fani ona cwalo ka kupetahala handende fapila hae.

<sup>41</sup> Kuikataza kwa hae, ni mikatalo, ni masihu a matelele, ni kuinela kwahule ni lifasi ka mazazi, mi mwendi ni kuca liñende. Mi—mi ni ku itambaka lona, ni kukuta, mi, “Batili, cwalo ha ki cona fela ka mo kuinezi. Cwale sina ni kutaha ku se,” ni ku lambaka fateni. Mi cwale hana li boni, ka kupetahala fela, mi ki ha bona ka swanelo. Ku shutana kone ku inzi mwa munahano wa hae kwaba kwa niti, kwaba kwa niti, kabakaleo kwa to bonahala ku yena. Mi mane neitile ba niti luli konji a huwa ali, “Bulela!”

<sup>42</sup> Ku na, neli sifateho sene si iponahaza. Ne li—ne li ku zamaelela kwa musebezi wa hae, kuli musebezi wa hae luli no mu susumelize, kuli na tiloba sina ya lyangani ana tilo nata fateni ni kubabela kuli, “Bulela!”

<sup>43</sup> Na yema fani ni kutalimela sibupiwa sani. Na hupula lihola zeo muuna yani nabile ni zona, hana bupa sika sani. Neba bulezzi buñata bwa lilimo zateni. Kono ne—ne li sifateho sa hae, kakuli neli zetahile za—za musebezi wa hae wa sikwala, musebezi tuna wa hae ka sa na eza. Mi kwa nalulelule hana konile ku peta, neli nto yetuna hahulu.

<sup>44</sup> Cwale halu apuleñi likepe, la Michelangelo, ni kukwala buka.

Mi halu apuleñi Buka yeñwi ni kubala ka za Mubeti yomutuna, yena Yamata. Yani, wa kuli lifasi lisika ba kale teñi, mi mane mutomo usika tomwa kale, Nana ni mwa munahano wa Hae sa Na bata, mi Na bata kueza mutu ka siswaniso sa Hae Luli. Na bata kueza sika mwa—mwa buniti ka mo ne iinezi pono ya Hae, sene sili mwa munahano wa Hae.

<sup>45</sup> Cwale, ku Michelangelo, wani neli mulelo wa munahano wa hae.

Mi Mulimu na bata kueza mutu kuya ka siswaniso sa Hae, yena Mubeti yomutuna, mi Ayo beleka ku yena. Mi lu lemuha cwalo sina ha Na zusa kwa libyana zani. Za pili mwendi neli litapi, mi kona ku tatama linyunywani, mi—mi cwale se kutaha ze zamaya ka mbafafasi, ni—ni lika zeñata za Na tisize. Kono, mafelelezo, sina ha Na bubami, ka kuba Mubupi, Nana ni... Na si sina mutu, cwale, mubeti yana ni kunga sika se si bupilwe, kuli a bete siswaniso. Yena nali Mubeti wa lika za Kuyakuile. Nali Mubeti yana kona ku bupa ni kutisa lika kuba teni Sa nani mwa munahano wa Hae ku sieza. Kamba, kusicwalo, Ukona ku bupa lika za Na tabezi.

<sup>46</sup> Mi sina ha Na kalile ku bupa lika ze zamaya ka mba, inge za—za—za tu folofolo totunyinyani fa lifasi. Mi cwale A kala kuzwa fani kutaha mwa nto yeñwi, ye pahami. Mi mafelelezo A li tisa mwa lifolofolo zetuna, ze cwale ka tau, liñau, bere. Mi ki Ha li tisa mwa—mwa—mwa bupilo mwendi bwa—bwa linjoko ni lipombwe, ni zeñwi cwalo. Cwale, isiñi kushimbuluka, sina ha lu

nahana kuli se ne si zwile kwa s- . . . Yani neli pupo ye petehile; Mulimu ubeleka mwa mukwa.

<sup>47</sup> Kono mafelelezo ki ha kutaha nto yeñwi fa lifasi, ye petehile, mi yani neli mutu. Mi Na konile kubona ku mutu yani, kuli na bonahala sina Yena. Kacwalo he ha Na mu talimile, nali mubonahalelo wa seo Mubupi nali sona. Mulimu cwale na konile kupeta lika za Na bata, kuba ni mutu wa sibupeho sa Hae Tota.

<sup>48</sup> Mi cwale Ni kona kubulela kuli, ku se, kuli, ha Na bupile muuna yo, ne kuna ni sesiñwi ka yena sene si sa bonahali hande, kakuli nana ni—ni bulutu. Mi cwalo kona Mulimu mwa bezi, ka kuba Alinosi; Nali wa Kuyakuile. Mi mutu cwale, mwa sibupeho sa Mulimu, ni yena na pila alinosi mwa lifasi. Konakuli Na lukela kuzusa siemba sesiñwi kwa makupo a hae, mi kuzwa fani A nga siemba sene si zwile ku yena ni ku mu ezeza mutusi, ya nali musala hae, konakuli a zwa mwa bulutu. Na li—na li, nabile ni yomuñwi ku yena. Mi wani kona musebezi wa Hae omutuna.

<sup>49</sup> Mi, Yena, sina mubeti yomutuna kaufela mwa kona kungela za—za—za siemba sabutokwa sa hae . . .

Cwale, pili, Nana ni siemba sabutokwa sa Hae. Kono cwale A bona kuli siemba sabutokwa nesi na ni bulutu, sina mwa Na inezi, kona mwa Na abezi siemba sabutokwa ka ku sinata kwa makupo ni kutisa teñi mutusi.

<sup>50</sup> Mi cwale, kuli aeze zepeli kuba nto iliñwi, A ba beya, inge mubeti yomutuna kaufela, mwa sibaka se—se sinde.

Mu—mu mubeti hakoni kupanga siemba sabutokwa, mi kipeto ni kusinga ku si beya kwatuko a nzila kokuñwi, kamba ku sipata kwa mulaho wa miyaho. Sina Mulena luna mwa na lu bulelezi ali, “Hakuna mutu ya tukisa lambi ni kuibeya mwataswa tubana.” Ha luba liemba ze bupilwe za Mulimu, ha lu patiwi mwa matuko a mukwakwa kokuñwi. Luna—luna ni kufa Liseli.

<sup>51</sup> Kacwalo lu bona kuli—kuli Yena, kasamulaho Amano eza siemba sabutokwa se, A si beya ona mwa lifasi mo, ni ku si beya mwa sibaka se sinde hahulu sene si liteni, mwa simu ya Edeni. A beya siemba sabutokwa sa Hae, zepeli zaba nto iliñwi, mwa simu ya Edeni. Mo ne li Mu tabiselize, kuli Na boni siemba sabutokwa se kuli neli nto yende. Yena, kasamulaho wa fani, lu fumana kuli A pumula; Na li ya tabile hahulu ka musebezi wa Hae.

<sup>52</sup> Cwale muhupule kuli, muhupulo waka, siemba sabutokwa kona kalulo yani yana ketuzi kwateni Muñoli Angelo ka siemba sabutokwa sa Mushe mwa sibupiwa sani.

Mi neli siñetana sene si ketuhile kwa neku la siemba sabutokwa sa Hae, sene si tisize munyaliwa. Mi cwale lubona zeo kakuba siemba sabutokwa sa lubasi mwa simu ya Edeni. Ha ki bunde ni bo! Mi sa Mu tabisa hahulu, kufitela A—A to ipumulela. Mi ali, “Ni, Nika pumula.”

<sup>53</sup> Ha Na sweli ku pumula ni kusepa siemba sabutokwa sa Hae, sila sa Hae sa taha mi sa fumana siemba sabutokwa se. Mi yena, ka bupumi, a—a hohoba mwatasi a—a mamota a simu, mi ki ha—ha sinya siemba sabutokwa sesinde se. A—a si sinya, kuli mane sa—sa wa.

<sup>54</sup> Cwale Ni lika kutalima waci yani. Mi Ni buzize Mike, mwana munyana ka mushimani, kuli alize mulangu wani mwa mizuzu ye mashumi amalalu, kono Ni... Ha si ka liza, mi se Ni bile kale mwa mizuzu ye mashumi amalalu. Kono, ki, lu zwelepili hanyinyani fela. Mwabona? Cwale, Hani lati ku—ku loba milao ye. Kina—Kina ya ezize milao ye, mwabona, mi Ni—Ni... mi fa seli kuloba milao ya hao kasibili.

<sup>55</sup> Cwale mulemuhe, kanti, siemba sabutokwa se. Fani Satani hana li sweli, yena mupumi, a punya kukena mwa mamota, ni—ni ku sinya siemba sabutokwa se. Kakuli kona mwana ezelize cwalo, kuli... Na ezize cwani zeo? Nika kena mwa butungi luli bwa zona. Mwa na ezelize, neli... Siemba sabutokwa se ne si potolohilwe ka limota la Linzwi, Linzwi la Mulimu. Mi siemba sabutokwa, kasibili, sa lubasi, ne si silelelizwe ka Linzwi le. Kono siemba sene si lobilwe, sene si lobilwe kuzwa kuza makalelo, sa zwela kwande a limota lani, sa fa Satani kolo ya ku si sinya. Mi cwale he mwa ziba se Ni lumela ka lika zeo, konakuli Hanina kubulela sika ka zeo. Kono siemba sabutokwa ne si lobilwe.

<sup>56</sup> Kono, yena Mubupi yomutuna, ha Na boni kuwa kwa lubasi lwa Hae, yena siemba sabutokwa, Na sa lati kuli si ine fela ona cwalo fani, atalimefafasi, inge si sinyeha. Na ilo beleka, kapili, ku yo si yaha sinca hape. Na sa tabeli kuli si sinyeha, kuina fani ona cwalo nako kaufela. Kakuli, Yena ki Mulimu, mi Hana ku komiwa. Kacwalo, A yo sebeza kapili ni kukala kuyaha, hape, kutaha mwa siswaniso sa Hae Luli, kueza mutu.

<sup>57</sup> Cwale, lu fumana kuli lifasi la muunda ne li tilo sinya lika kaufela, kakuli bulikani bone bu ezizwe, ne bu ezizwe ka litaelo, “Haiba hauna ku eza *se*, kamba ku eza *sani*.” Mulimu, yena Mubeti yomutuna, na boni kuli mutu nasike—nasike kubuluka bulikani. Yena hakoni fela kueza cwalo. Hakuna mukwa fela ni hanyinyani.

Kwa lipuzo ni likalabo nako nyana yefitile Ne ni ambola ni mutu mwa muzuzu, uteni ona mo cwale. Yana ize, “Kono, Muzwale Branham, Nina ni lika zeñata hahulu ze Ni—Ni ziba kuli za fosahala,” mi ki—ki musali yomunyinyani wa bumulimu.

<sup>58</sup> Se nili, “Kono—kono, talima, kezeli, ha u italimi ili wena. Ki litakazo za hao fela mo liinezi ni so lika kueza. Mi haiba luli u lata Mulena, u like ku Mu sebeleza ka pilu ya hao kaufela, mi kipeto mafosisa a hao kaufela a patiwa mwa Mali a Mulena Jesu.” Mwabona? Mwabona, Na lukisize nzila.

<sup>59</sup> Kacwalo A kala cwale, kunga mutu kuzwa kwa bulikani bwa Hae, ka—ka kubulela kuli, “Haiba u lata, Nia ka eza sa kuli.” Mi A kala ka muuna yana bizwa Abrahama, ni kufa Abrahama bulikani, kusina litaelo. Nako kaufela ha Na kalisa siemba sabutokwa, Satani na si likanyisa, kakuli Linzwi . . . Kono cwale ha Na kalile ni Abrahama, A li, “Ni ezize kale.” Cwale seo hasina litaelo, isiñi sa . . . sani—sani, “Haiba u lata, Ni ka eza sa kuli,” kono, “Ni ezize kale.” Cwale Yena, ki—ki Mubeti, una ni kuba ni siemba sabutokwa se.

<sup>60</sup> Mihe, kuzwa ku Abrahama, kwa taha mapatriareka. Mi mapatriareka bona . . . Cwale ki sikamañi sa eza Mulimu? Usweli ku yaha sinca siemba sabutokwa sene si wile se. Kacwalo, mwa mapatriareka, wa pili ye lufumana neli Abrahama.

<sup>61</sup> Cwale mutualime, siemba sabutokwa kaufela si beiwanga fa mutomo, fa sibupiwa. Sibupiwa sa Angelo ka siswaniso sa Mushe si beilwe fa licwe ka mautu amalalu kamba amane. Sina ni mutomo. Kacwalo, Mulimu, ka kulukisa siemba sabutokwa se, Na si beile fa mutomo wa mapatriareka. Mi mutomo wa mapatriareka, pili, neli Abrahama, mi ni Isaka, mi ni Jakobo, mi ni Josefa, maneku amane.

<sup>62</sup> Mi, cwale, Abrahama nali mutomo wa tumelo. Halu buleleni kuli neina ni mitomo yemine. Mutomo wa tumelo neli Abrahama. Mutomo wa lilato neli Isaka. Mutomo wa sishemo neli Jakobo, sishemo sa Mulimu ku Jakobo; mutu kaufela wa ziba cwalo. Kono ku Josefa neli kupetahala, kwani kona kwa Na tomile sibupiwa; isiñi fa mutomo wa pili, mutomo wa bubeli, mutomo wa bulalu, kono ki fa mutomo wabune.

<sup>63</sup> Abrahama na bonahalisa Kreste, ka niti; kona mwana ezelize ni Isaka, ka lilato. Abrahama na ezize cwalo, ka tumelo; Isaka na ezize cwalo, ka lilato; Jakobo na ezize cwalo, ka sishemo sa Hae. Kakuli, Jakobo i talusa kuli “mupumi,” mi sani kona sa nali sona, kono sishemo sa Mulimu nesili ni yena. Kono hane litile ku Josefa, hakuna sa ku mu nyaza ka sona, ki nto yelikani fela, kakuli mutomo hape ulukela kuba siemba sabutokwa. Fani hana bulelezi ndatahe, yena mupolofita, “Bulela ku Faro kuli sicaba sa hao ki—ki likomu ze fula bucwani mi ha ki balisana ba lingu, kakuli mulisana ki maswabiswa ku Muegepita.”

<sup>64</sup> Kono cwale mupolofita wa kale hana ilo ba fapila Faro, ki hali, “Batanga ba hao ki balisana.” Kacwalo sa kalisa taba tuna, mwabona, kona ha ili siemba sabutokwa.

<sup>65</sup> Cwale mitomo i beilwe, kuya ka tumelo, lilato, sishemo, ni kupetahala, kuya ka mapatriareka.

<sup>66</sup> Cwale musebezi wa mibili otile ka siemba sabutokwa neli bapolofita, bene bali Linzwi. Na sepa mwakona ku i bala. Mwabona? Bapolofita; isiñi milao! Bapolofita, kakuli bapolofita nebali Linzwi le li pakilwe le li panga mibili; isiñi mapatriareka. Kono bapolofita, neli bona Linzwi.

<sup>67</sup> Mafelelezo, sina mwa Na kalezi kwa mulaho kwani mwa mazazi a Mushe ni kutaha cwalo mwahala bapolofita, ku mañi ni mañi. Mi, mafelelezo, ba yaha mubili, kutaha fakaufi ka nako kaufela. Mi yomutuna hahulu mwahala bona neli Joani. Bibele ibulezi cwalo. Jesu na bulezi cwalo. “Hakuna muuna, ya pepilwe ki musali, yomutuna ya likana ni Joani Mukolobezi,” kakuli neli yena yana zibahalisize Linzwi.

<sup>68</sup> Mi cwale kwa taha, mafelelezo, Toho yetuna, Toho ya zona kaufela. Ze siyezi za mubili ne li bulela fela za Yona. Mutomo no beilwe ki mupatriareka; kono mubili no yahilwe ka Linzwi, bene bali bapolofita; mi ki ha se kutaha Toho ya zona kaufela, Jesu ato iponahaza. Kwani, fani siemba sa Toho se hane si beilwe fahalimwa sona, lu fumana ku Yena mutalelela kaufela wa musebezi wa mazoho a Mulimu. Lu fumana ku Yena ponahalo ye petehile ya Linzwi, kakuli Nali yena Linzwi, yena mutalelela wa Linzwi. Cwale, hape, Mulimu una ni Siemba sabutokwa hape.

Sina Isaya hana ize, “Amubone Mutanga Ka, Siemba sa Ka sabutokwa, se Ni bonisize mwahala masika kaufela a Ya petehile ya taha yo. Mi ki yo U yemi fapila Ka, ka kupetahala!” Kifo, mwa sibupeho sa Hae Luli, ku bonahaza Mulimu! Kakuli Na bulezi, ku Muñoli Joani 14 kuli, “Ya boni Na, u boni Ndate.”

<sup>69</sup> Mi, cwale, “Kwa simuluhu neku na ni Linzwi, mi Linzwi nali ku Mulimu,” mi Linzwi neli kumuzwi ni ku bonahalisa sene lili sona Linzwi kwa simuluhu. Yena, yeli Linzwi, leli bonahalile mwa Siemba sabutokwa sa kuswana kwa Hae Luli, Mulimu kukutela hape mwa kuswana kwa Hae Luli, buino bwa Linzwi ha bu iponahaza mwa sibupeho sa mutu, sona Siemba sabutokwa.

<sup>70</sup> Bapolofita kaufela ne bana ni mañiba; kaufela bona nebali liemba. Kono fa, kwa mafelelezo, kutaha kufitela ku sani, mafelelezo ki ha kutaha Siemba sabutokwa, yena Yana lukile, nekusina bumaswe ku Yena ni bo bukana, na petehile luli kuba Muyahi Yena kasibili, siswaniso sa Hae Luli ne si bonahalezi mwa musebezi wa Hae. “Mulimu ni Kreste neli Alimuñwi,” kuli mane kufitela Ha beya Moya wa Hae Kasibili ku Yena, mi mane nishaiba sona siswaniso ni Muyahi baba Alimuñwi. Mulimu ni musebezi wa Hae wa bubeti, Siemba sa Hae sabutokwa! Ko Mus—Mushe nali, mwa musebezi wa Muñoli Angelo, neli wa...kamba Michelangelo, nitaluse; neli mu—mu musebezi wa siswaniso se si shwile, kakuli ne si cakuzwi fa licwe. Kono fa, yena Muyahi ya Sikwala, ha Na ngile musebezi wa mazoho a Hae ka kupetahala, A hata ku Ona.

<sup>71</sup> Ki Muliululi wa batu ya petehile hande, ya petehile luli, wa bumulimu hahulu; ibo, nekusina bunde bo ne lu ka lakaza ku Yena. Mi Mwana mushimani wa Mulimu yo yana pepilwe ka mwalyanjo hana tilo petahala hahulu, ni ku ikokobeza, mi ni mwa sibupeho sa Mulimu, kufitela yena Muluti yomutuna Yana

tisize Bupilo bwa Hae ka bapolofita . . . Mi nali Yena mutalelela wa bapolofita kaufela. Nali ya petehile hahulu, kufitela, Mulimu hana bona se, A Mu nata mi a huwa kuli, “Bulela!” sina Michelangelo mwa na ezelize. “Bulela!”

Mu li, “Kana ku cwalo?”

<sup>72</sup> Muñoli Mareka 9:7, lu fumana kuli, fa Lilundu la Kucinca, hane ku yemi Mushe, yena mulao, ne ku yemi Elia, ili bapolofita. Musipili kaufela kukuta kwa mapatriareka, ili bashemi, ni mulao, ni bapolofita, mi ni kaufela bona ba yemi fani. Lu utwa Linzwi ha litaha kuzwa mwa malu, mi lali, “Yo ki Mwana Ka ya latwa; mu Mu utwe!” Mi haiba ba ka utwa, Una ni kubulela. Neli fela mazazi a likani kwa mulaho A si ka natiwa kale. “Yo ki Mwana Ka, Yo Ni katedwa kuina ku yena. Ni Mu bupile. Ni bile ka myaha ye likiti zene ka ku Mu tisa ku se. Mi cwale, Yena ki ya petehile hahulu, Nina ni ku Mu nata kuli A bulele. Amu Mu utwe! Yena U petahalisizwe. Yena, ki Yena Siemba sabutokwa.”

<sup>73</sup> Muhupule, Na bonahalizwe mwa linako kaufela, kwani mwahala Testamente Yakale.

Lu Mu fumana kuba yena Licwe mwa lihalaupa, lene li natilwe, Licwe mwa lihalaupa. “Kina Licwe lene lili mwa lihalaupa.” Kono lani neli licwe lene li si ka taha kale kwa kupetahala kwa lona. Kono mwa mufuta fela La latelela keleke, kuli akone ku bizeza ku Lona ba Na kona ku hoha, kufa Bupilo ku bani ba Na kona kufa Bupilo. Kono Yena nali Licwe lani mwa lihalaupa. Na si kaba kale mutu. Na li fela mwa mufuta.

<sup>74</sup> Mushe na Mu boni inza yemi ku lona Licwe le. Na Mu boni ha fita, mi ki hali, “Ki mukokoto wa muuna.” Mwa bona, Mubeti na tisa sani ku Mushe, sene sili siswaniso cwalo ka ku yemela Kreste, mwa na ka bonahalela yena Siemba sabutokwa se situna fani hane Si ka petahala. Na fitelezi sa Hae . . . Na kenyize, kamba—kamba ku bonahaza ku Mushe pono ya mo ne si ka bonahalela Siemba sabutokwa. Neli mukokoto wa muuna, fani hane Si fitile mwa lihalaupa.

<sup>75</sup> Muhupule, Angelo na huwile fela ni kunata sibupiwa sani, mi ali, “Bulela!”

Kono mo ne si shutanela ku Mulimu, yena Mubeti yomutuna. Fani ha Na bupile mutu ka kuswana kwa Hae Luli, ka kupetahala hahulu kuli ne Si toloka fela Yena, Mulimu na bulezi ka siswaniso sa mutu, ku bonisa sa Na ka eza. Na bulezi ka bapolofita sina mone ba inezi mwa siswaniso sa bona kwa mulaho, ha Na nza si tisa kufita kwa Toho. Kono cwale Ha taha kwa Toho, Nali yena siswaniso sa Mulimu kaufela; Na iponahaza Iliyena. Mi, a natwa ka luna, cwale ki Yena Siemba sabutokwa ku luna, yena Mpo ya Mulimu, Jesu Kreste, Bupilo Bobusafeli. Ni sepa kuli haluna ku libala nto yeo.

<sup>76</sup> Sina ha lu bona mazazi a unsufala, sina ha lu bona lififi la apesa! Mi, Na nuha, “Ki kupotoloha nyana fela kwa lizazi. Naha ye iicongile.” Kana mwa ziba . . .

Maabani, labune kwa kweli ya Sikulu. Thomas Jefferson na nyatezi muhuwo wa tukuluho, yena ni sikhwata sesiñwi sene sili ni yena, mi ni Mulangu wa Tukuluho wa lizwa, mi lwa bulelwa kuli luna ni tukuluho, kakuba naha. Kuya ka litaba za kale, kwali kuba cube ni tukuluho ka nako ifi kaufela mwendi ka myaha ye mianda yemibeli yefelile. Mi mwani neli mwa 1776, Sikulu zazi labune. Mi se li siyezi fela ki myaha ye lishumi ka ulimuñwi. Kana si ka konahala? Batili, haku konahali, mwabona. Myaha ye lishumi ka ulimuñwi. Mi, haiba ku ezahala, li ka hatikela litaba za kale kaufela.

<sup>77</sup> Mi lu bona buino bwa nako. Lu bona buino bwa batu. Lu bona buino bwa litaba za naha. Lu bona buino bwa lifasi. Halikoni ku yema. Lina ni kutiba, inge Titanic. Lina ni ku ya fafasi, kakuli ba filwe sibaka. Naha yeñwi ifa sibaka ku yeñwi, hanze iwa. Mi mubuso wo wawa, mi ni mubuso usili kaufela, kufa sibaka kwa Mubuso o taha, o sa koni kuwa. “Kakuli lu filwe Mubuso o sa koni ku zikinyeha,” ka siswaniso se si petehile se sa Mulimu, ili Siemba sabutokwa.

<sup>78</sup> Mulimu, ha Na Mu talimile, Na tezi hahulu susumezo! Nali hahulu ya . . . ku Mu bona ka mwa Na bonahalela, ni kubona mu—mu mufuta wa Hae, Na susumelizwe hahulu kuli neikaba Siemba sabutokwa sa Muliululi, Jesu yena Muliululi. Kacwalo, Mulimu, kuli a natiwe, Yena kasibili; kakuli, fa kulifa mulatu wa Hae Tota, Mulimu ni Kreste baba Alimuñwi, kacwalo Mulimu na natilwe mwa Siswaniso, Na faluzwi ka mañiba. Mi ki kabakaleo Isaya hana ize, “Lwa Mu talima kuli ki ya natilwe ki Mulimu. Kanti sa Na titikezwi neli lifoso zaluna, sa Na holofalezi ki libi zaluna; koto ye lu fumaní kozo ka yona iwezi Yena fahalimu, mi ha lu folisizwe ki ka muipa ya Hae.”

<sup>79</sup> Siswaniso se petehile, yena Mulimu wa Mutu! Mulimu, ku *en morphe*, yana cincize kuzwa mwa Bumulimu kutaha mwa pono, mi pono ya bonahalela mwa Siswaniso. Mi Siswaniso sa natiwa kuli za Bumulimu li tatube lifu, Siemba sabutokwa sa Mulimu.

Na si ka li eza ku Mushe. Na si ka li eza mwa bapolofita; Isaya, yana sahilwe ka lisaha kufitela a sahiwa mwa liemba emba. Na si ka li eza mwa bapolofita bene ba pobaulwa ka macwe. Na si ka li eza, kakuli Na sa li utwi cwalo; ne kuna ni fela siemba sa Hae.

Kono mwa Siemba sabutokwa se, Nali mutalelela wa Bumulimu ka mubili. Na si ka bonahaza fela ku Mushe; Na ka bonahaza Buino bwa Hae ka kutala ku Mutu yo, ni kutatuba lifu la batu kamukana. Siemba sabutokwa sa Mulimu! Mulimu, a susumezwa hahulu ka ku Si talima, A toba Muliululi wa masika

kaufela; kuli abulele ku yemela baba kwa mulaho, bene ba liteñi pili, ni cwale.

<sup>80</sup> Lisepiso kaufela ne li kopani ku Yena. Nali yena Kupetahala kwa kupetahala. Mifuta kaufela ne italelelizwe ku Yena; Muliululi wa luna wa Lubasi, ku Ruti ni Boazi; mufani wa luna wa Mulao, kuzwa fa Lilundu la Sinai; Mupolofita wa luna, kuzwa mwa lihalupa, sina ha Na zwa fa lilundu, sina ha Na zwa mwa lihalupa; sina ha Na zwa mwa Kuyakuile ni ku toba mutu, yena Siswaniso se si petehile!

<sup>81</sup> Mulimu, ku shetumuka cwalo mwahala masika, a pumiwa kwateni, ka mapatriareka, ni kueza katala ka Hae, mi abatisa kuzwa kwa lika ze shutana za Na ka to beya mutomo wo fateni. Ku sona se Akala kuyaha Linzwi la Hae fateni, bapolofita. Mi cwale, mafelelezo, ataha ku Mupolofita ya petehile, ili Mutomo o petehile, yona pono ye petehile yeo Mulimu na nani.

<sup>82</sup> Mi cwale, fa kuli se si bulele, Yena ki Linzwi. Mi kuli Linzwi li bulele, Una ni kutaha mwa Siswaniso. Mi fakuli Siswaniso si bulele, sina ni ku nativa. Utaha mwa Siswaniso, mi ni kuli a a kone kubulela, yena Muliululi ya petehile.

<sup>83</sup> Mifuta kaufela ya Testamente ya Kale ne i kopani ku Yena. Sina hane Ni bulezi zazi leliñwi, kuli Jehova wa Testamente ya Kale ki yena Jesu wa ye Nca. Eeni.

<sup>84</sup> Sina buñata bwa mina, baana, basali, litaka zaka; ne lu banga, mwa libaka za kwa mahae, buñata bwa batapisi ba litino ba ma Chinese. Fani ma Chinese hane ba kalile pili, neba zwile kwa Likamba la Wiko, kutaha kwa upa, neba zwa kwa nahya ya kwa Upa, neba zamaile ona cwalo. Mi hane ba zamaile cwalo, nebali batu bene ba sa zibi mushobo wa luna ni mikwa ya luna mushobo ni mikwa ya luna, kono nebali batapisi babande ba litino. Mi ne bakona kuñola tikiti kuli mu to shimba litino za mina ha mu ka yo kuta.

Kono, muuna wa China yani, aipangela tukadi nyana kusina ze ne beilwe fateni. Kacwalo hamu taha ku to nga litino za mina, kipeto wanga kadi ye ni ku i pazula mwa mufuta omuñwi; ni ku mifa kaemba kalikañwi, mi yena ubuluka kaemba kakañwi. Mi, cwale, ki nto yende kufita ze lu nani cwale, kakuli ha mu ka yo kuta kuto bata libyana za mina, liemba zepeli zani li lukela ku lumeliana. Nemusike mwakona ku ka likanyisa haiba ne mu ka bata kueza cwalo. Hakuna mukwa wa kueza ka cwalo ka ona. Mwakona ku kopisa litaku zeñwi, kono hamukoni kulikanyisa mupazulelo wani. Lina ni ku kwana hande ni siemba sesiñwi. Kabakaleo, libyana za mina za masila zene mutisize, nemuka li nga ka tikiti ye, kakuli ne li zamaelela ni tikiti yetisizwe.

<sup>85</sup> Mi cwale Mulimu, ka bapolofita, ni mwataswa mulao, a lu nyaza bakeñisa sibi; mi mulao hauna sishemo, ona u ku bulelela fela kuli u muezalibi. Kono fani Jesu hana tilo iponahaza, Nali yena mutalelela, Nali yena mu—mu mutalelela wa lika kaufela za

na sepisize Mulimu. Nali yena kupetahala, siswaniso se si swana hande luli sa sepiso. Kabakaleo, lisepiso kaufela za Testamente ya Kale ne li kwanile ku Jesu Kreste. Ne li sike ku kwana ku Mushe, ne li sike ku kwana ku mupolofita ufi kaufela wa bona, kono ne li lukela kukwana mwa Siemba sabutokwa. Ne li zamaelezi ni kaufela ze ne Li bulezi kuli Li ka ezahala.

Kona ni Keleke mo ikabela ka kuswana ni sika kaufela Mulimu sa sepisize. I lukela kuba siemba se si natilwe kuzwa ku Sona. Konakuli haiba za makalelo ki Linzwi, kona m ku kabela ni sicaba se si zwile ku Lona sibe Linzwi, kuli si swane ni siemba sa Lona.

<sup>86</sup> Kabakaleo, muuna wa China, nemuka ikupula...Koo, mulao no ka mi nyaza ni kubulela kuli muna ni masila, mi muna ni mulatu, mi neuka mi beya mwa tolongo. Kono fani ha Natile, Nali yena siemba se Swanelia sa teni, sene si ka mi zusa mwateni; ni ku mi kenya mwateni, kuba—kuba tikititi yetezi, puluso yeo Mulimu na sepisize kwa mulaho kwani mwa simu ya Edeni. “Peu ya hae ika pyata toho ya noha. Kono, lisito la Hae li ka pyata—pyata toho ya yoba.”

<sup>87</sup> Cwale lu fumana Siemba sabutokwa se si petehile se sana felize Mulimu. Cwale, lu lemuha kuli Na kaufela zene sepisizwe kuba teñi. Ki yena lisepiso zani kaufela, sipolofita bwani kaufela, lika kaufela zeo Mulimu na ezize sepiso ka zona. “Peu ya hao ika pyata toho ya noha.” Cwale, Na sika ipyata ka mulao, Na sika ipyata ka bapolofita, kono Na konile ka Peu ya musali yene tiloba Siemba sabutokwa, Kreste. Nali yena Licwe lana boni Daniele lene lizwele fa lilundu. Nali Yena yana kona kunata. Ki Yena ya kona ku pyata, ku pyata toho ya noha.

<sup>88</sup> Bupilo bwa hae bwa swana, ona cwalo, ni bupilo bwa Mushe. Bupilo bwa hae bwa swana ni Davida. Halu boneñi haiba nebuli cwalo, haiba ki Yena siemba se Siswana ka ku zamaelela.

<sup>89</sup> Mulemuhe Davida, kakuba mulena ya hanilwe, kwa sicaba sa hae luli. Na li... Zazi leliñwi hanali... Mwana hae luli a mu zuhela ku mu lwanisa, mi a kauhanya ni kuaba limpi za Isilaele. Mi nali yena, Davida, yana lelekilwe, kamba ku lelekwa ki sicaba sa habo yena luli, kuzwa fa lubona lwa hae.

Mi mwa nzila ya kuya kwande ye, ne kuna ni muuna yana mu toile, mi inza zamaya cwalo bukaufi ni yena, inge a kwelaka mati ku Davida. Mulibelei yani a comola mukwale wa hae, ali, “Ni tuhele kuli toho ya nja yani iine ku yena cwalo, inge a kwelaka mati mulena ka?”

Davida ali, “Mutuhele fela ona cwalo. Mulimu na mu bulelezi kueza cwalo.”

<sup>90</sup> Kana hamuboni nji? “Mutu ya twaezi maswabi, ya twaezi manyando. U yema sina Ngu, fapila bakuti ba yona, inza kuzize.” Bana... Na bulezi cwalo. Mwendi Davida na sa zibi sa na bulela.

Kono kasamulaho wa ze ketalizoho, lilimo ze mianda ye silezi kasamulaho, kamba zeñata nyana cwalo, Mwana Davida na zamaya mwa mikwakwa yani, mi Na kwelakiwa mati. Kono mulemuhe sene si ezahalile fani, Davida, kuzwa mwa—kuzwa mwa . . . hana bile linyambangeti; mi ni kuzwa mwa butanga, fani ha—fani ha na kutile, muuna yani a i kupela kozo ni sishemo. Neba bene ba Mu nataka baka Mu bona zazi leliñwi Ha ka yo kuta.

<sup>91</sup> Mi lu fumana cwana, ku Josefa, kuli Josefa nali mushimani yana pepilwe ka kuipitela, wa mafelelezo, siemba sa fahalimu a mutomo, kone ku lukela kuyahiwa siemba sabutokwa. Ne li tile ka tumelo, ni kwa lilato, ni kwa sishemo, za taha kwa kupetahala. Mi kona mo ne kuinezi, kuzwa kwa mautu a makalelo, kutaha cwalo kwa kupetahala ku Kreste. Mulemuhe mwa Na bonahalezi ku Josefa, yena toho ya mutomo, sika sa butokwa hahulu kufitisisa mwahala bona kaufela.

<sup>92</sup> Lu fumana kuli Josefa na pepilwe mwa lubasi lwa hae. Mi neli ka musali ya tahile ka mulao, kaniti, ya nali musala Jakobo. Mi mulemuhe, hape, kuli ha na pepilwe, ndatahe na mu lata; kono bahulwani ba hae ba mu toya, kusina mulatu. Ki kabakalañi hane ba mu toile? Kakuli na li yena Linzwi.

Mwabona kuli kona mutomo luli? Mwabona toho ya mutomo mo itahela? Cwale, amutalime Toho ya mibili, haitaha. Cwale mutualime yona Toho ya Munyaliwa haitaha. Nali yena Linzwi.

Mi ba mu toya kakuli nali muboni. Na bonanga lika lisali kwapili, ni kuba bulelala. Mi za ezahala. Hakuna taba kamba ne li liyeha cwani, ne li ezahala ona cwalo fela ka kuswana. Mi ka kuba wa moyo, a lelekwa kuzwa mwahala bahabo yena. Bene ba lukela ku mu lata. Kono ba mu toya, kakuli nali mupolofita mi neli wa moyo. Mi ba mu toya.

<sup>93</sup> Mulemuhe, na lekisizwe ka lishekele ze kona kueza mashumi amalalu za silivera; a nepelwa mwa musima, mi na lukela kushwa, kono a zuswa mwa musima. Mi mwa nako ya hae ya muliko, mwa tolongo; mubeleki yomutuna mwa lapa ni—ni mubeswi wa masikono, lu ziba kuli mubeleki yomutuna mwa lapa na pilisizwe mi mubeswi wa masikono a bulawa. Mi ni mwa ndu ya tolongo ya Kreste, fa sisapahano, alimuñwi na pilisizwe kono yomuñwi a bulaiwa; masholi bababeli, lisinyi zepeli.

<sup>94</sup> Mi lu lemuha kuli na zusizwe mwa tolongo, kuya kwa lizoho la silyo la Faro; kuli hakuna mutu ya na ka bulela ku Faro, konji fela ka Josefa. Mi cwale Josefa hana siile lubona lwani lwa Faro, mi ni tolombita ya lila mwahala Egepita kaufela, muhuwo wa utwahala mi wali, “Amuwe ka mañwele, mañi ni mañi, Josefa ki yo wa taha!”

<sup>95</sup> Kona mo ku kabela ni Jesu. Ka mwa Na latezwi ki Ndate, ni kutoiwa ki bana ba habo yena ba likopano, kusina mulatu. Na lekisizwe ka lishekele ze mashumi amalalu za silivera, sina

mone kuinezi; ni ku beiwa mwa musima, kuli a bulaiwe. Fa sifapahano; alimuñwi na latehile mi yomuñwi a piliswa. Mi a nanulwa kuzwa fa sifapahano; mi a yo ina kwa lizoho la bulyo Mulimu, mwa Bulena, ona Moya omutuna ono bonahalile ku Yena. Mi hakuna mutu yana ka bulela ku Mulimu, konji ka Jesu Kreste. Mu nahane ka zeo! Mi cwale Ha zwa fa Libona lwani, ha nanuha, “Tolombita ina ni kulila, mi liñwele kaufela la kubama ni lulimi kaufela lwa bulela ka bumpaki.”

<sup>96</sup> Muhupule, nali yena mwana yana kondisa lika. Kaufela za na ezize ne li kona. Kamba neli tolongo, kamba sika kaufela seo ne si kaba sona, ne si taha hande.

Mi kana Ha si ka sepisa bana ba Hae kuli Uka eza kuli lika kaufela libeleke hamoho kwa kutisa bunde? Kamba neikaba butuku, ndu ya tolongo, lifu, maswabi, kaufela seo nesi kaba sona, kuli ne li ka beleka kutisa bunde ku baba Mu lata. Na sepisize cwalo, mi kuna ni kuba ona cwalo. Sina ni kuba teni. Ki sa nguli, si bulezwi ku luna ku Yena. Nali yena Siswaniso se si petehile sani sa Mulimu. Cwale lwa bona fa, hape, kuli ha Ka taha hape . . .

<sup>97</sup> Muhupule, Josefa ka sinulo na pilisize lifasi, ka sipolofita sa hae sesituna. Lifasi ne li ka shwa kuli kambe ne si Josefa.

Mi lifasi nelika—nelika shwa kambe ne si Jesu. “Kakuli Mulimu u latile lifasi hahulu, mane A lifa Mwana Hae wa libanda, kuli kaufela ya lumela ku Yena kaufela asike a shwa.” Mulimu u bulukile Bupilo.

<sup>98</sup> Cwalo cwalo neluka ya! Kakuli, Nali fela ya swana ni Davida. Nali ya swana ni Mushe. Nali ya swana ni Elia. Nali ya swana ni Josefa. Lika kaufela ki ze bonahalile kamba ze bulezwi kale ka Yena mwa Testamente ya Kale, za zamaelela hande ku zona zani, (ki sikamañi sani?) ku bonisa Muliululi ya petehile. Kuli, neluka beya liapalo zaluna ze masila mwa sibaka sa kutapiseza, muye mu yo ikungela zona hape. Li tapile mwa Mali a Ngunyana. Lwa kona ku ikungela zeli zaluna. Ni lika kaufela za Na shwezi, lwa kona ku ikungela zona. Kaewalo, Nali yena Linzwi leli petehile, le li bonahalile.

<sup>99</sup> Ne si tabisize Mulimu, yena Mubeti yomutuna, kuli a Mu nate, ni kueza ka nzila ye. Lu Mu bona ku Isaya fa, sina hane Ni bala, “Luna kaufela ne lu Mu talima, mane lwa talimisa lipata za luna kusili kwahule ni Yena. Hakuna bunde bone lu ka lakaza ku Yena,” mutu kaufela na bulela ka za Hae, ku Mu bona bukuba. Ni bulela ka Yena cwale mwa lizazi le, mañi ni mañi wa Mu bona bukuba. Mwabona? “Lwa Mu talima, lwa Mu bona.” *Kutalima kutalusa* “kutalima sika.” “Ne lu Mu talima kuli ki ya natilwe ni ku nyandiswa ki Mulimu.” Ibo, Yena, Kiñi ha Na ezize cwalo? “Na titikezwi libi za luna; Na holofalelizwe ka bumaswe bwa luna.”

<sup>100</sup> Cwale, neluka ya ona cwalo cwalo fa pata ni zeo, kono Ni lumela kuli muna ni siswaniso sa ze Ni talusa cwale, Mulimu wa yaha Siemba sabutokwa sa Hae.

<sup>101</sup> Kono lusike lwa libala kuli kwa simuluho fani ha Na natile kwa makupo sa Adama, Na zusize siemba kwa makupo a hae.

Cwale, ku natiwa kwa Kreste neli ka mulelo, kuli Akone ku zusa ku Yena, alimuñwi, kuba lubasi, yena Munyaliwa; kuli Amu nyalele Munyaliwa. Kacwalo Siemba sabutokwa sa Hae hane si petahalile, kona fa Na tilo Si natela, kuli ange ze zwa ku Yena; isiñi siemba sesiñwi, isiñi pupo yeñwi, kono kwa pupo yeswana.

<sup>102</sup> Muzwale waka, usike wa nahana ze maswe ka taba ye, kono unahane fa muzuzu. Haina Na ngile ze zwa ku Yena, yona pupo ya makalelo, kuli ipangele Munyaliwa ya zwa ku Yena, Na si ka bupa pupo yeñwi hape. Na ngile siemba sa pupo ya makalelo. Mi, haiba Nali yena Linzwi, ki sikamañi sa lukela kuba sona Munyaliwa? Lina ni kuba Linzwi la makalelo, Mulimu yapila mwa Linzwi.

<sup>103</sup> Kimberley, South Africa. Nako yeñwi Neni talimela fa daimondi, mo ne izuselizwe mwa mubu. Mi ne Ni ba boni bali ku lobala fani. Inge, kihande, ni—ni muina sipula wa sibaka, kamba wa mukoti, neli alimuñwi wa balibeleli ba fa munyako mwa mukolo wa litapelo. Mi Na lemuha daimondi yateni, ne i likana ni mali akuma fa likiti kiti za madollar, ha libeiwa hamoho, kono ne li sa monyeha nihaiba liseli. Mi Nali ku muina sipula wa mikoti yani, Se nili, “Kiñi ha li sa monyehi?”

<sup>104</sup> Mi ali, “Muñaka, ha li si ka pumakiwa kale. Lina ni ku pumakiwa. Mi, ha li se lipumakilwe, kona likona ku monyeha liseli.” Ki fo he cwale.

<sup>105</sup> Siemba sabutokwa sina ni ku pumiwa. Mulemuhe, ku pumelwa sikamañi? Kana siemba si pumilwe kwatene? Batili, batili. Siemba se si pumilwe kwatene, si eziwa kuba ndonga ya victrola, mi ndonga ya victrola yeo i beiwa mwa—mwa—mwa litapa leli sa bonahali la lipina kwa lifasi. Kono ndonga yeo kona yetisa lika kuli li ezahale, kona yetisa toloko ya niti ya Linzwi.

<sup>106</sup> Bupilo bwa hae ne bu zamaelela ni batu kaufela. Ne si tabisize Mulimu kuli a Mu holofaze. Mi, cwale, kiñi sa Na Mu holofalelize? Ka libaka leli swana la Na holofalize Adama.

<sup>107</sup> Cwale lwa Mu bona inza holofezi, ku natiwa ki Mulimu ni ku nyandiswa, yena Ngunyana ye tabilwe ye petehile ya baeza libi—baeza libi, Siemba sabutokwa se si petehile.

<sup>108</sup> Cwale, seli bukaufi ni myaha ye likiti zepeli, Mulimu ubile hape inza eza Siemba sabutokwa sa Hae. Kakuli, Na natile Adama kuli ange mu—...siemba se si zwile ku yena, siemba sa hae, likupo kuli a mu fe musala hae. Mi cwale ona Siemba sabutokwa sani se si petehile sa Na holofalize fa Kalvari, Na ngile siemba se si zwa ku Yena. Fela ki Testamente

Yenca, ku felile. Na talelelize ya Testamente Kale. Cwale ki Testamente Yenca, siemba sesiñwi kuli si talelezwe. Mwabona, ye Nca ni ya Kale ki muuna ni musala hae. Mwabona? Mi ya lwala Bunca kwapili-... Ya Testamente ha Kale kuli i bonise Yenca; Kreste ataha, yena Siemba sabutokwa, ku to taleleza sani. Cwale Munyaliwa wa Hae uka taleleza lika kaufela zeli mwa Testamente Yenca. Siemba sabutokwa sesiñwi si sweli sa nga sibaka.

<sup>109</sup> Sina hane li Mu tandile myaha likiti ze silezi fa kueza Siemba sabutokwa se; cwale U sa bile cwalo, seli bukaufi ni myaha ye likiti zepeli kwa Siemba sabutokwa sesiñwi, Munyaliwa wa Kreste, Siemba sabutokwa sesiñwi. Ka kueza cwalo, U li ezanga ka mukwa wa Hae o sa cinci, ona cwalo mwa Na ezelize Siemba sabutokwa sani; Linzwi la Hae. Kona Mwa evezanga Siemba sabutokwa sa Hae, kakuli Yena ukona fela kuba Siemba sabutokwa se si petehile haiba Ki Linzwi leli petehile.

Masila kaufela, manyalala, lindonga, li ka sinyeha. "Kono lihalimu ni lifasi li ka fela, kono Linzwi lani halina ku sinyeha." Mwa hupula, kwa ku pumaka daimondi, muna ni kuba ni sibyana se si petehile kuli mueze cwalo, isiñi fela siemba nyana se si kona kueza. Ni boni lika ze bukiti za mishini yani ha i luba macwe ani, ni ku shimbulula bukiti bwani kufetauha, ku tambeka daimondi yani ko ku swanela. Batili, ha silobi daimondi. Sina ni ku pumakiwa.

<sup>110</sup> Cwale U sweli kueza nto yeswana mwa mukwa wa Hae o sa cinci. Lu fumani cwalo, mwa Malaki 3, U ize, "Kina Mulimu, mi ha Ni cinci." Ha koni ku cinca mukwa ya Hae.

<sup>111</sup> Cwale, sina ha Na kalile ku Abrahama. Kasamulaho wa kuwa kwa siemba sabutokwa sa makalelo, A kalisa ku Abrahama, fa mutomo, kuli a yahe siemba sabutokwa sesiñwi.

A kalisa ka Lizazi la Pentekota, ku yaha Siemba sabutokwa sesiñwi, Peu ya makalelo, Linzwi. Yene kalezi mwa Keleke. Neli sikamañi sani? Peu, Linzwi, Linzwi le li bonahalile, sepiso yene filwe. Joele ali, "Ku ka ezahala mwa mazazi a maungulo, kubulela Mulimu, Ni ka sulula kwa Moya wa Ka fa nama kaufela; bana ba mina ba bashimani baka polofita, baana bahulu ba mina baka lola litolo, mitangana ya mina baka bona lipono." Sa Na ka eza mwa mazazi a maungulo, zepeli, lilimo ze eza likiti zepeli.

<sup>112</sup> Mulemuhe, mi ne ku kalile inge kwa makalelo. Sina Jesu hana bulezi kuli, "Linzwi la Mulimu ki Peu yana cezi mucali." Mi nali Yena Mucali. Peu neli Linzwi. Mi, mulemuhe, peu kaufela ye siala inosi hakuna se ikona kueza. I lukela kuwela mwa mubu kuli itahise zeñata za yona hape. Mi Peu ye, yona Keleke ye petehile yani, ne iwezi mwa mubu kwa Nicaea, Rome, fani hane ibile kopano.

<sup>113</sup> Cwale, baikale, muhupule. Ni mina baba ka teeleza kwa tepu ye, mu batisise taba yeo kuli mubone haiba ha ki niti. Keleke ne i shwezi kwa Nicaea, Rome, hane i amuhezi lituto za litumelo ni lituto za milapelo, mwa sibaka sa Linzwi la makalelo. Neli sikamañi sani? Mulimu na bonisize, ka yona Keleke yapili yani, kuli Nali Mulimu. Nana ni Keleke ye petehile; kono Keleke yani, sina lipeu zeñwi kaufela, ina ni kuwela mwa mubu ni kushwa. Cwale, ne iwezi mwa mubu, ni ku shwa, mi ya sinyeha.

<sup>114</sup> Mwa ziba, Ne ni balile buka, kwanu ha ki kale hahulu. Yomuñwi na ñozi ka—ka buka, mi ali, *Mulimu ya Kuzize*. Hakulata mu i balile. Ni libezi, Ni—Ni sepa Brumback... Batili, Hani sepi, Hani sa ziba hande yana i ñozi. Kono ha Ni sa hupula. Ne nina ni yona mwa paliso yaka. *Mulimu ya Kuzize*, kuli, “Mulimu, mwahala myaha ye likitikiti za lififi, na inzi inza kuzize kusina nihaiba ku nyanganyisa lizoho, inza talimile babulaiwa baba sepahala ha baya kwa misima ya litau; mi banze ba cisakiwa ki Maroma; lipulao za mifuta kaufela; basali neba tubulwa litino za bona, ku cakulela mulilo kwa milili ya bona ye mitelele, ka bulota, ni kuba cisa.” Muhipupule, milili yemi kuswani sapili ne ikalezi mwa Rome. Mi basali ba Bakreste ne bana ni milili yemitelele, kacwalo ba—ba icimbeka mwa bulota ni kuba tumbulela mulilo, ni kuba cisa, mi bona inge bali mapunu; baba cisa kwa litau. Mi kipeto muñoli yo u zwelapili kubulela kuli, “Ukai Mulimu yoo?”

Oh, bubofu bwa mutu, fokuñwi! Kana mwa ziba kuli Peu yani neina ni kushwa? Na si ka lika kuba lamulela. Neba ile kwani ka tulo. Neba ile kwani, inge ba lota mali ni kushwa, inge ba fa bupilo bwa bona. Kiñi? Neli yona Peu. Ina ni ku wela mwa mubu, sina, Joani, wapili 12 mo ilu taluseza. “Bubeke bwa buloto, buna ni kuwela mwa mubu ni ku shwa; mi isi ku shwa fela, kono kubola.” Kanti mane kopano yani neisa zibi kuli Bupilo bwani neboli teni mwani. Nihaiba keleke mwahala yona... .

<sup>115</sup> Kwa Katengo ka Nicaea kani, ka mazazi a lishumi ka aketalizoho a likañi za batu ba litaba za naha, fani bani baika haba taha mi ba bata kukenya mwateni baokameli babatuna bani mwa keleke. Mi bapolofita ba zwa mwa lihalupa lani kwani, inge baca miloho ni ku apala mwa matalo a lifolofolo, bapolofita ba niti, mi ba ba nepela kwani. Kiñi? Peu ina ni kuwela mwa mubu. I lukela kushwa.

<sup>116</sup> Ne ishwile mwa masika a lififi, mwatasasi a masila a mansu. Neba hupula kuli i icongile. Mwa ziba, Muñoli Joani 12:24, Jesu naize, “Kwanda kuli bubeke bwa buloto buwele mwa mubu, buina bu nosi.” Mi Keleke yapili yeli yona yene tahile yani, yena Munyaliwa yani, yona Peu yani, lona Linzwi le li i ponahalize, lene li wezi mwa mubu kwa Nicaea, Rome.

<sup>117</sup> Muteeleze, Keleke, mwahala linaha ze ka teeleza taba ye. Ki ao masila a mina, ona likopano zeo. Kwani kona kone li kokotezwi Linzwi, mi ba amuhela lituto za litumelo. Mi ka mianda anda ya lilimo za masika a lififi, ili Mata ni ponahazo ya Linzwi ne li patezwi kwa lifasi. Kwanda Bukatolika kona bone bu busa. Luna kaufela lwa ziba cwalo, ka kubala za kale. Kwanda Bukatolika kona bone bu busa.

<sup>118</sup> Kono, hamu—hamu koni ku pata Peu ye sweli kumela kakuli (kiñi?) Mubeti yomutuna u fa musebezi. Uka yaha hape. Kacwalo A . . .

Peu ya kena mwa mubu, lona Linzwi.

<sup>119</sup> Halu bona Muñoli Paulus, Pitrosi, Jakobo, Joani, kaufela bani bene ba ñozi Linzwi. Mi ba ñola, Linzwi lene ba ñozi laba le lipila, mi ne li pila, mi ne Li pila. Mi cwale halu fumana, kasamulaho likala ku buzwa, Joani ukala kuñola mañolo, a nepelwa fa Sooli sa Patimosi kasamulaho wa ku cisiwa mwa oli ka lihola ze twenti foo. Kono Linzwi lina ni kutaha. Lina ni ku ñoliwa. Neba palezwi kubilisa Moya o Kenile kuzwa ku yena, ka oli, kacwalo ataha cwalo. Musebezi wa hae neusika fela. A shwa lifu la kushwa fela.

<sup>120</sup> Polycarp, hana sali mulutiwa wa Joani, a lwala Linzwi kuya fa pata. Mi kuzwa ku Polycarp kutaha Irenaeus. Mi Irenaeus, nali muuna yomutuna wa Mulimu yana lumezi Evangeli yeswana ni ye lu lumela, “Linzwi li buzwize.” Keleke ilika ku Li kasheza kwande.

<sup>121</sup> Mafelelezo ya taha kwa Nicaea, Rome, mi kwani ya wela mwa mubu, kasamulaho wa Muñoli Martin, mi a bulaiwa. Muñoli Martin na lumezi lika ze swana ze lu lumela ni luna. Na yemezi nto yeswana; ili kolobezo ya Moya o Kenile, ili kolobezo ya mezi ka Libizo la Jesu. Na yemi mwa lika ze swana lulí ze lu yemela ni luna. Mi nali mupolofita, ni kulumela Linzwi la Mulimu le litezi. Mi mafelelezo ba kokotelwa, ni kuwela mwa mubu, mi yaina mwani fa mianda ya lilimo, kufitela ibola kwande, yeo ki Peu. Mibili ya kale i bolile kwateni. Ni bile ku Muñoli Angelo, mwa liñope la mabita, ni kubona kone ba shwezi, mi masapo a bona a lobakilwe ni zeñwi kaufela. Ba bola kaufela bona kufitela masapo a bona a yonga, kono haili Bupilo ne busali mwateni.

<sup>122</sup> Peu ya bubeke yene wezi mwa mubu la . . . kwa Katengo ka ba Nicaea, ya kala ku shoshela hape, ku Martin Luther. Sina mbonyi kaufela ha imela, kamba buloto; kasamulaho wa lipeu kubola, bupilo bwa taha. Mi se ikala ku tahisa za yona ku Martin Luther. Ki sikamañi sa na ezize, nto yapili? A hana kopano ya Bukatolika, a kauhana ku bonisa kuli ne i fosahalile. Kakuli, na ize, “Baba lukile baka pila ka tumelo.” Neli sikamañi sani? Neli Bupilo bo bu bunolo nyana bone bu shoshezi mibisi yeminyinyani. Bani neli ba ha Luther. Yona kaniti haibonahali

inge bubeke bone bukeni mwa mubu, kono Bupilo busweli bwa taha cwale.

<sup>123</sup> Mi yaya kwa lutaka. Mi ki sikamañi sene si ezahalile? Mwa mazazi a John Wesley, ki sikamañi sa na ezize fani ha tisa ku keniswa? Na pilile ni Linzwi. Mi ki sikamañi sana ezize? Ma Lutheran neba pangile kopano, kacwalo neli nako ya kuli sesiñwi si ezahale. Siemba sabutokwa sisweli sa yahiwa cwale. Ki sikamañi sana ezize? Ki sikamañi sa na ezize? Na hanyelize ba keleke ya Anglican yani, ataha mwahala baongaongi sina sibunga. Ki sikamañi sani? Peu itaha kwa Bupilo, yahula cwale.

<sup>124</sup> Cwale, lutaka ha lu bonahali sina peu, kamba nihaiba sona sibunga.

<sup>125</sup> Cwale, mizwale ba Pentekota mwahala na ha kaufela, Ni bata kuli muiteeleze, muzwale wa ka. Haiba le ki Liñusa la mafelelezo le Ni ka kutaza fateni, Se ki siemba saka sabutokwa. Kana mulemuhile haiba buloto bu... bubeke bwa buloto bo bu wela mwa mubu, ha bu kala ku bupa ni kukutela kwa—kwa peu hape?

<sup>126</sup> Mubone ze tahile. Ze tahile, ona cwalo, ki Mulimu. Mulimu ubeleka mwahala ze tahile, kona fela Za kona. Kono kuzwa kwa ancafazo ya Pentekota, ka mo ba nahanelo, neli yona Peu; nesi cwalo. Cwale mutualime. Kono sesiñwi sa mela sina Peu. Cwale mutualime sana bulezi Jesu, ku Muñoli Mateu 24:24, kuli, “Mioya yemibeli mwa mazazi a maungulo ikaba bukaufi hahulu kuli mane ika puma ni Baketwa haiba kwa konahala.”

<sup>127</sup> Cwale, lutaka lwani ha lu bonahali inge peu; kamba nihaiba sona sibunga kuli si bonahale inge peu. Kono mulemuhe cwale, isiñi mwa lizazi la Luther, kono ki mwa lizazi la mafelelezo.

<sup>128</sup> Taba yapili. Kuna ni balimi ba buloto baba liteñi mo. Nto yapili ye taha pili fa buloto ki peu, nemuka nahana kuli mane ki peu, kono (ki sikamañi sani?) ki sikapi. Si bupa nto yeñwi kwande, cwalo, kuli iswale peu. I bupa sikapi. Kono haili sikapi ha ki yona peu, kucwalo ni sona sibunga ha ki lutaka. Fela ki sishimbelo sa bupilo, bubeke bwa buloto, kanti. Muñoli Joami 12, mwa bona, ki Jesu ya bulela.

<sup>129</sup> Buloto, kasamulaho wa sibunga (kasamulaho wa Wesley), ha si beya makapi, ili yona nto ya makalelo sina bubeke bwa sika kaufela. Sikapi si swana mane ni bubeke. Si taha kuba sina bubeke ka nako kaufela, ona bwani bone bu keni mwa mubu. Mi ha bu ka mela, lutaka, luna ni Bupilo ku lona, kono kaniti ha ki bubeke. Kutaha cwalo ni lutaka, mununo wateni, niteni ha ki bubeke. Mi kipeto kutaha cwalo ni makapi, mi ki mwa mufuta fela wa buloto, kuswana fela ona cwalo ni buloto, kono kanti ha ki buloto. Ona cwalo mwa buino bo buswana, ka kupetahala.

<sup>130</sup> Mapentekota neba tile mane inge mo bu tahelanga buloto. Nto yeñwi ni yeñwi izwa ku yeñwi, kuzwa ku yeñwi, kono zani ki li shimbelo fela. Ba ya kwa kopano. Mi sani kona sene ieñize Pentekota, neiile kwa kopano. Mi ki sikamañi sene ieñize

Pentekota fani haitaha sina buloto? Ne ikutezi kwani hape, inge mwa Sinulo 17, ku yeñwi ya likopano ze ne ba tusa. Seo ki sona luli ona cwalo. Sani kona sa ba bulezí Jesu.

<sup>131</sup> Cwale mutualime. Evangelí ika taha ka Luther, ka Wesley, kokena mwa Pentekota, mi mwa mazazi a maungulo ika puma mane ni bona Baketwa luli haiba ku konahala. Baketwa! Oh, mizwale ba Pentekota, kikuli hamuboni nji?

<sup>132</sup> Buloto mwa makalelo a bona apili buswana fela sina peu, ha bu kala ku bupa sina peu, kono ki sikapi. Za ipeya mwa kopano, ni kueza nto yeswana fela ona cwalo mo ne ba ezelize kwani ku Luther. Mwa Sinulo 17, i bonahalisa nto yeswana, ya likeleke.

<sup>133</sup> Cwale, buloto bwa Peu, mwa sibaka sa pili, ne bu wile kwa Nicaea, kakuli neli yona kopano yapili.

<sup>134</sup> Mulemuhe fa, Bupilo bone buli mwa lutaka, sibunga, ni kutahafafasi cwalo bu felela mwa Peu. Bupilo bone bu zwile kwa Peu ya makalelo, ne butile ka mizamao ye shutana (mikwa yemilalu ye shutana), mi ni ku kutela mwa buino bwa Yona bwa makalelo. Haleluya! Oh, mawi! Ni mutu ya tabezi hahulu mwa lifasi, kuli Mulimu u ni lumelelize ku bona lika Ze. Mubone kupetahala kwa Linzwi ni buino bwa (ze bupilwe) mo li belekela hamoho.

<sup>135</sup> Kuswana fela sina zuho; kuzuha, lizazi; ku likela kwa lizazi; kuzuha hape.

Litali ha lizwa kwa kota, kokena mwa, mununo wa kota kwa mibisi; ni kukuta hape, mi—mi litali litaha ni zona hape. Li welafafasi; bupilo bwa kota bwa lianya kukuta ku lona hape, ili kausiamu ni potashi, ni ku litisa hande mwa litali lelimu hape.

Mwabona, ze bupilwe kaufela, lika kaufela libeleka hande ni—ni Linzwi la Mulimu. Mi ki le fa, ona cwalo, ka kupetahala mwa Masika a Likeleke aa. Leo kona libaka Moya o Kenile hano tilefafasi ni ku to swanisa lika zani, ni ku li bonahalisa ku luna ka nzila Ya ezize ka yona. Yeo ki niti.

<sup>136</sup> Mulemuhe, kwanu, Bupilo bone buli mwa sikapi. Mwa lutaka, mi ni mwa sibunga, mwa sikapi, kaufela zona li kopanela mwa Peu. Mi Bupilo bone buli mwa lutaka, bwa ya, bobuñwi bwa yo bupa bobuñwi. Kutapiswa, ku lukisa nzila ya ku keniswa; ku keniswa, ku lukisa nzila ya kolobezo ya Moya o Kenile; kolobezo ya Moya o Kenile, ku lukisa nzila ya Moya o Kenile ona Kasibili kutaha mwa bupetehi, kukutela kwa Linzwi hape, ku to iponahaza ili Lona.

<sup>137</sup> Kono, se si kopanyizwe, sa shwa. Inge Bupilo, ku Luther, hane builo bupa Wesley; mi—mi, kuzwa ku Wesley, Bwaya kwa Pentekota; mi, kuzwa kwa Pentekota, ku yo bupa Peu ya makalelo. Kuya cwalo kwa Pentekota, kuzwa ku Wesley, kufitela ka nako yani. Libaka la na zwezi Pentekota ku Wesley, kakuli neli kopano, Pentekota neili cwalo. Mi Pentekota ya yo i kopanya,

mi (ki sikamañi sene i ezize?) ya fetuha kuba sikapi. Ya bonahala mane inge Nto ya luli.

<sup>138</sup> Mi, mutu kaufela, ki babakai ba bakile ba bona peu ya—peu ya buloto haikala kuhula? Nto yapili ki ifi? Iswana fela mane inge peu, kono ki sikapi.

Mwabona likalulo zetalu zeo? Lutaka; sibunga, kamba mununo; kona kutaha sikapi; mi cwale, kuzwa mwa sikapi, kutaha Peu ya makalelo. Mwabona? Isiñi Peu; neli Bupilo bwa Peu, itaha ihula mwahali mo, kutaha kwa Peu. Amen, amen! Kana mwa si bona nji? Ki sikamañi seo? Ki zuho, kukutela kwa Siemba sabutokwa hape, kuswana ni Yene keni mwa mubu.

<sup>139</sup> Pentekota neizwile ku Wesley, kakuli Wesley neli kopano. Pentekota ya zwa mwateni, kakuba kopano, mi hape ni ku kutela ku yeñwi. Neina ni kuba cwalo, kuli ipange sikapi. Lona Linzwi la Bupilo ku yona, ya ba mwa musipili wa yona ni kukutela kwa Bubeke bwa yona bwa makalelo, mwahala likalulo ze. Kufita mwa lutaka, mi ni kukena ka mununo; kuzwa mwa mununo, kukena mwa sikapi; mi kuzwa mwa sikapi, Ya bupa Peu.

<sup>140</sup> Batili, lutaka, sibunga, sikapi, zapila, li tahisize (mwa ancafazo ya zona ya makalelo) mubuluki wa kabelo yeñwi ya Bupilo bwa Peu; kono, hane ba ikongakongile, Bupilo bwa zwa ku yona. Zeo li pakilwe hande ki litaba za kale kaufela. Hakuna kopano nihaiba yekana ye kile ya eza nto ye cwalo kasamulaho imano ikongakonga. Ne ishwile. Yeo ki niti.

<sup>141</sup> Mutualime, Bupilo bwa shimbuluka cwale. Bwa shimbuluka kuya kwapili.

<sup>142</sup> Mulemuhe, se ba ezize, ba kaufela ba li ezize, mane li pakilwe ki litaba za kale ona cwalo fela ni keleke mo itahezi, haisa na tuso ku Yena hape. Kopano ibeilwe kwa tuko. Ha ku si kaba kale, mwa litaba za kale kaufela, keleke, kasamulaho imano ikongakonga, kono zeo kaufela ne li shwa. Mi ni kopano ya shwa mi yali kuba i zuhe fateni hape. Kikuli ha muboni nji? Mutu wa sibofu, kwalula meto a hao! Ze bupilwe ni Linzwi za lumelelana hamoho ni ku lipaka hande fa kuli Ye ki Niti, ku ki yona Niti. Bupilo bwani bu siya lutaka, ku yo panga sibunga; kuzwa kwa sibunga, Bu panga sikapi; mi kuzwa kwa sikapi, Bu kena mwa buino bwa Makalelo hape. Mulemuhe, ha li sana tuso hape ku Yena.

<sup>143</sup> Bupilo bo mo bu inezi, mwa musipili mwa bubeke bwa buloto, kufita mo kuinezi mwa kota. Mulimu u bizize sicaba sa Hae sina kota; mwabona, bupilo buya kwatasi, mwa kota, ni ku kambama hape; buya kwatasi ni ku kambama hape; mwabona, buya kwatasi ni ku kambama hape. Kono, mwa bubeke bwa buloto, buya bu kambama kuzwa kwa lutaka lwa makalelo... kutaha mwa lutaka, sibunga, ni sikapi; ni lika zeo i fitile ku zona, kushwa, konakuli habukoni kukutela mwa mulaho hape. Ki sikamañi seo? Halisana tuso ni hanyinyani. Buya kwa kupetahala kwa bona.

Amen! Kikuli ha muboni Ha si ka itusisa kopano? Hakoni ku kutela ku yona hape. I shwile. Kono Bupilo bufita ku yona, kuzwa ku ye kukena ku yeñwi. Mwabona, ba beya lituto za litumelo, ni ku kenya zeñwi teñi. “Yo kaufela yaka ekeza linzwi lililiñwi, kamba kuzusa Linzwi kwateni,” mwabona, u kwalezwi kwande a Yona. I lukela kuba Peu ya Bupilo yenze zamaya cwalo.

<sup>144</sup> Ni itusisa se mwa nguli cwale, ya Munyaliwa, Siemba sabutokwa se si taha kwa pata. Sina mone si wezi Siemba sabutokwa sani, kuna ni Siemba sabutokwa se si zuha. Siemba sabutokwa ne si wile kwa Pente-...kwa Nicaea, Rome, kwa Nicaea. Kasamulaho wa Nicaea, Rome, U tahile mwa muzamao omuñwi, kono Wa kuta hape kutaha kwa Siemba sabutokwa sani, ka kupetahala, kakuli Ki siemba sa Linzwi lani lene li bulezwi ka Yena. Ukaba ni “Keleke yesina litiba kamba liñiba.” Haina ku tamahana ni mukwa ufi kaufela katengo kamba kopano, ki nto ye kutilwe. Se ifitile mwa lika zani, kono haina kuba teni kwani.

<sup>145</sup> Mulemuhe, peu itaha ihula, Bupilo bwani busweli kutaha bu pahama, isiñi kukutela kwa mulaho. Hakusana kuba zuho kasamulaho wa ye. Bupilo bwa taha bu pahama, kuya kwa kupetahala kwa bona, kwa zuho.

Mulemuhe, sikapi ze si beya—beya... Mulemuhe, sikapi si beya Peu ya makalelo yona kasibili. Mwa Sinulo, kauhanyo ya 3, lu fumana cwalo.

<sup>146</sup> Cwale muhupule, hakuna keleke yeñwi ya Na lelekezwi kwande a yona, mwa Bibebe, mwahala Masika a Likeleke Zesupa. Ki babakai baba hupula cwalo? Na fitile mwa Lusika lwa Keleke, ku fitelela kuya ku sesiñwi fela. Kono, se ki Sona. Hakusana nto isili fela. Kono haili—haili Mubeti ukutezi ku ze petehile hape, kwa Linzwi. Mwabona? Musike kuta mwa mulaho. Ha ki Nto kwa ku shutana. Eeni. Oh!

<sup>147</sup> Mi amulemuhe cwale, sikapi, ha si taha sona, si bonahalanga mane inge Bubeke. Kono cwale Bupilo bwa Bubeke habukala ku siya sikapi, kuya mwahali ku yo panga Bubeke (yena Munyaliwa), sikapi sa kwaluha ni ku kasha Bubeke kwateni. Kana ku cwalo? Ze bupilwe, ona cwalo kona mwa na ezelize.

<sup>148</sup> Mwa—mwa Sinulo 3, lu fumana kuli Lusika lwa Keleke ya Laodesia ne lu Mu beile kwande. Cwale, mwabona, ne isika, kwa mulaho mwa masika asili, kakuli ne kuna ni nto yeñwi yene lukela ku ezahala. Ne bu fitile fela ni kuya ku lo lu tatama. Ni mi bulelezi, ona cwalo, hakusana likopano hape ze sa taha. Lu kwa mafelelezo. Mi ba Mu lelekela kwande kakuli (kiñi?) Ki—Ki—Ki kiyena Linzwi, hape. Kuswana inge Ya na wile kwani. Ki yena Tuto yeswana ye tahile kuzwa kwa simuluho.

<sup>149</sup> Mi cwale Linzwi la Peu likala kuhula cwalo, sikapi sa I kasha kuzwa ku sona. Bupilo bu siya lika zeñwi kaufela, ku I

latelela. Bani kona balumeli ba niti, ba latelela Bupilo kaufela ko buya Bupilo.

<sup>150</sup> Inge mwa Isilaele, ki mufuta o petehile, kambe luna ni nako; Nina ni mizuzu yelikani ye siyezi. Kono mwa mufuta o petehile, kwa simuluho, kaufela kone kuya Siita sa Mulilo sani neku na ni Bupilo. Mulimu nali yena Liseli. Mi Hanina taba kamba neikaba mwahala busihu, kamba neba kaba mwa sibaka sesinde se si ketilwe; mi Siita sa Mulilo sani hane si zamaya, tolombita ne ililanga mi kipeto Isilaele wa zamaya ni Sona.

Haleluya! Mi cwale tolombita hane itolila, Martin Luther a zamaya ni Yona. Mi a ongaonga, ku bulaya . . . isiñi ye kasibili; neli baana ba mwa mulaho wa hae. Mi cwale Mulimu a zusa Bupilo bwani mwateni, a Bu tisa cwalo, ku i lobaza mwa libita.

<sup>151</sup> Mi kwa taha Wesley. Na boni kopano yetuna yani, kacwalo a liza tolombita, ya ku keniswa, hahulu ka Linzwi. Mwabona? Hana ezize cwalo, ba zwela kwande, ona fani kuzwa ku—ona cwalo kuzwa ku Luther, kukena kuba ba Methodist.

<sup>152</sup> Mi cwale Pentekota ha I bona cwalo, ba liza—ba liza tolombita, ki nako ya kukutela kwa limpo. Mwa bona sene ba ezize? Neba liza tolombita, mi se ba taha. Mi ba ikongakonga.

Kono, muhupule, kasamulaho wa sikapi, zeo ki likalulo zetalu ze lu ziba, hakusana ze siyezi kwanda Bubeke. O Mulimu! Mi kipeto Bubeke bu beiwa kwande a zona kaufela. Amen ni amen! Manzwi a Lipeu akala ku i patulula ona Añi, Bupilo bu tisizwe kwande a . . . Cwale mulemuhe, haiba nji Munyali, simuluho, kwa makalelo, Munyali . . . Yo ki Munyaliwa ya sweli kutaha.

<sup>153</sup> Muhupule, Keleke ne i kalezi kwa Pentekota, mi Ya wa kwa Nicea. Ya shoshela, isiñi inge Bubeke bwa niti, batili; neli siemba sesiñwi sa Bupilo mwahali mwani, kono ne bu shoshezi ili kueza kopano. Mi A hoha kufitela mwa kopano yani. Mi cwale ki sikamañi sene I ezize? Mi se I ya, kuzwa mwa kopano yani, Ya kena mwa kopano isili, kukena mwa kalulo yeñwi ya Linzwi; kutapiswa, ku keniswa, kolobezo ya Moya o Kenile. Mwabona? Mi sina hane I ya mwa lutaka lo ni ku mikwa, Ya zwelapili kutaha ona cwalo ka butuna.

<sup>154</sup> Muhupule, mununo o likani ki o muñata, sibunga si swana mane inge Peu kufita lutaka mo lu inezi. Mi sikapi si swana inge Peu kufita sibunga mone si inezi. Kono Peu Kasibili i fitelezi zani. Mwabona? Ne i itusisa fela sani mwa musipili wa yona, kuli I zamaye mwateni.

<sup>155</sup> Mulemuhe, Munyaliwa. Haiba nji Munyaliwa, mwa simuluho, ne kuna ni Linzwi, kamba Munyali; mi cwale haiba Munyaliwa uzwa ku Munyali, I lukela kuba Linzwi hape. Mulemuhe, Munyaliwa ulukela kuba cwalo.

<sup>156</sup> Kiñi, kiñi Munyaliwa ha lukela kuba Linzwi le li i ponahalize, ku bonahala fa ngandaleza? Kakuli Munyaliwa ni Munyali ki nto Iliñwi. Ki siemba fela se si natilwe kuzwa ku Yena. Ki sani Siemba sabutokwa fani. Ne i natilwe. Kuli . . .

<sup>157</sup> Michelangelo na si ka tisa sani hape. Na si ka si tisa hape.

Kono Mulimu ki yena yaka eza cwalo. Uka tisa Munyaliwa yomunyinyani yoo, ya natilwe, kukutela kwa Linzwi la makalelo. Mi ki Yani fani, ki sani fani Siemba sabutokwa, lubasi lu kutela hape kwa simu ya Edeni.

<sup>158</sup> Cwale Munyaliwa yo uka eza cwani lika ze? Kana Buloto bo buka eza cwani se? Malaki 4 naize, mwa mazazi a mafelelezo, ne lika kutiswa hape, (sikamañi?) ku kutisezwa sina kwa simuluhu; ku li kutisa kwa mulaho! “Ni ka kutiseza,” kubulela Mulena, “myaha kaufela yeo sishenyi, ni nziye, ni lika zeñwi ze kaufela li cile. Ni ka kutiseza hape.” Malaki 4 ili, “Uka kutiseza lipilu za sicaba, ni Tumelo ya sicaba, kukutela kwa bashemi ba makalelo hape.” Mwabona? Lu bona se hande fapila luna, Keleke. Lu kakai cwale?

<sup>159</sup> Cwale, ka kukwala mwa mizuzu yelikani. Ni bata kuli mulemuhe hande ka tokomelo se si sa zo ezahala.

Malaki 4 ki kukutela, kukutela kwa makalelo.

<sup>160</sup> U natilwe kuzwa kwa keleke, kuzwa kwa mibili wa keleke; u natilwe ni Mulena a Hae, kwa mulelo o swana. Ki yena Linzwi. Nto yeswana fela sina Josefa mwa na natezwi kuzwa kwa bana ba habo yena, kakuli nali yena Linzwi. Mi Jesu na natilwe kuzwa mwahala bana ba habo Yena, kakuli Nali yena Linzwi. Keleke i natilwe . . . Munyaliwa u natilwe kuzwa mwa keleke, kakuli ki Yona Linzwi. Ki zeo likalulo za mina hape; iliñwi, zepeli, zetalu, mwabona, ona cwalo fela ka swanelo.

<sup>161</sup> Linzwi, kupila ni mwa kezo, Munyaliwa wa Bibebe, isiñi munyaliwa ya ipangezi fela mutu; kono Munyaliwa wa Bibebe, ya natilwe ni ku holofazwa ki Mulimu. “Hakuna bunde bo bu kona ku lakazeha ku Yena, kono kanti lwa Mu talima kuli ki ya natilwe ni ku holofazwa ki Mulimu.” Yeo ki niti. U yemi anosi. U natilwe kuzwa kwa likopano kaufela, kuya ka Sinulo 3. U natilwe kuzwa mwa Lusika lwa Keleke ya Laodesia mwa Na hulezi. Mwabona? Keleke i hulezi mwa Lusika lwa Keleke ya Laodesia; sani kona sikapi. Kono haiba babañwi bani baile . . .

<sup>162</sup> Kana mina baana ba Pentekota ha muboni cwalo, haiba sani sesiñwi neli sikapi mane si shwile? Haiba sesiñwi sani (lutaka) ne luna ni kushwa, haiba sibunga ne sina ni kushwa, kona ni sikapi mo si lukela kushwela; likalulo zetalu za likopano.

<sup>163</sup> Mi muhupule, mubulezi kuli, “Kihande, cwale, ne kuna ni bibunga bye biñata kwateni. Kuna ni zeñata za zona.” Eehe. Ne kuna ni Methodist, Baptist, Presbyterian, Lutheran, church of Christ, lika zeñwi zani kaufela zenyinyani ku yona, matali ni

lika kaufela ne li nyendaela ku yona, kono za makalelo neli za baongaongi, cwale, mwabona.

<sup>164</sup> Kuyema anosi, sina Munyali, “ya hanilwe ki batu, ya kendilwe ni ku haniwa ki likeleke.” Munyaliwa u yema ona cwalo. Ki sikamañi seo? Ki Siemba sabutokwa sa Hae, mwabona, ki Linzwi leo Akona ku beleka ku lona, ku iponahaza. Kuhana!

<sup>165</sup> Kacwalo, lutaka, sibunga, ni sikapi, zeo halikoni kuba Peu, batili, kono ka nako kaufela libata kubanga inge kona Peu luli.

<sup>166</sup> Cwale ka nako ya kutulo, Peu i kutela kwa Bupilo bwa yona bwa makalelo, kukutela kwa Bibele. Malaki 4 ibulezi kuli neli ka tiswa ona cwalo. Oh, oh, mawi! Kaufela zona! Kuba ka nzila, I lukela kuba Linzwi kaufela lona. Ki niti yeo nji? [Kopano ili, “Amen.”—Mu.]

<sup>167</sup> Cwale kiñi sa Na bulezzi, mwa Sinulo 10, sene si ka ezahala? Ki kabakalañi hane kuna ni musipili wa kwa Tucson? Ku yo kwalula Keleke. “Mwa mazazi a mulumiwa, wa lingeloi la busupa, Liñusa la lingeloi la busupa, Linzwi la Mulimu kakutala li ka bonahala. Swayo, kuli kaufela se si siilwe ki lutaka, zani kaufela za Sona, lika bonahala mwa nako yona ye.”

Kana sani kona sene li bulezzi Linzwi nji? [Kopano ili, “Amen.”—Mu.] Mi, lwa bona cwalo. Kona kuli lu kai kana, mwabona, lu kai luna kana? Kuna ni fela nto iliñwi, kutulo ki ye fa. Se ibuzwize. U itukisize cwale ka za Kutaha. Mulemuhe.

<sup>168</sup> Batili, haina ku Sona. Kwa nako ya kutulo, Peu ikutela kwa buino bwa yona bwa makalelo, mi kaufela yona ilukela kuba ni Linzwi, kuli ikone kuba Peu. Cwale, hamukoni kuba ni Peu ya licika; haina kuhula. Mwabona? Ilukela kuba Peu kakutala. Ilukela kuba ye sika bonahala... Lu bulele kuli, “Na lumela mwa kolobezo ya Moya o Kenile. Haleluya! Ni lumela mwa kubulela malimi.” Sani ki siemba fela sa Peu, uh-huh, kono cwale ku ekelizwe ku zeo. Haleluya! Mwabona? Bupilo, isiñi limpo; ki Bupilo bwa limpo. Mwabona, mwabona se Ni talusa? Lu kwa nako ya maungulo, mizwale.

<sup>169</sup> Lutaka, sibunga, sikapi, li shwile mi li omile cwale. Kuna ni fela nto iliñwi ye ezahalile ku zani, lina ni ku kopana mwa Katengo ka Likeleke za Lifasi kuli li ciswe.

<sup>170</sup> Linzwi libile nama, ona cwalo fela sina mwa Na sepiselize mwa Luka 17, Malaki 4, ni zani kaufela, mwabona, yeo ki niti, Sinulo.

<sup>171</sup> Bupilo bwa niti kaufela bone buli mwa lutaka, sibunga, ni sikapi, cwale bu kopanela mwa Peu, ku itukiseza zuho, ku itukiseza kutulo. Alfa uba yena Omega. Amen. Ba makalelo baba ba mafelelezo. Mi ba makalelo iba ba mafelelezo. Peu, yene keni mwa mubu, ibile mwa muzamao mi se ibile Peu hape.

Peu, yene wezi mwa simu ya Edeni, ni kushwela mwateni, i kutile cwanoňu. Kuzwa kwa peu ye si ka luka yene shwezi kwani, i kutezi kwa Peu ye petehile, yena Adama wa Bubeli.

<sup>172</sup> Eva wa pili na wile, mi ya itusiswa mwa kuongaonga kwa bubeli...kutaha kwa bubeli, ka kutahisa mwana, cwale ubile Munyaliwa wa niti hape, yona Peu, kukutela hape ni Linzwi la makalelo.

Alfa ni Omega ki nto yeswana. “Al-...” Na ize, “Kina Alfa ni Omega,” Na si ka bulela nto isili mwahali. Uh-huh. “Kina Alfa ni Omega, wa Pili ni wa Mafelelezo.” Eeni, sha.

<sup>173</sup> Bulumiwa bwa pili ni bulumiwa bwa mafelelezo bwa swana. Liňusa la pili ni la (bubeli) Liňusa la mafelelezo la swana. “Kina, Neni ku Alfa; Ni inzi ku Omega.” “Kukaba lizazi le li sike ku bizwa musihali kamba busihu, kono ka nako ya manzibwana kukaba Liseli.” Mwabona, Alfa ni Omega, seli libile la pili ni la mafelelezo. Oh, mawi, mizwale, neluka ina lihola ku sani.

<sup>174</sup> Siemba sabutokwa sesituna sa lubasi, Adama wa Bubeli ni Eva wa Bubeli, cwale u itukiselize simu, ni Mileniamu, amen, kukutela mwa lifasi. Haleluya! Mubeti yomutuna na si ka li tuhelela kuina mwani. Na ngile nako luli, sina mwa Na ezelize mwahala lilimo ze lule lule, ka ku bupa sinawenga se si petehile sapili; mi ba wa. Cwale se lifitile mwahala myaha ye likiti kiti, U bupilwe hape, mi cwale ba itukisize.

<sup>175</sup> Siemba sabutokwa ne si tile mi sa to natiwafafasi; kwa makupo a Hae kwa zwa mutusi wa hae.

Mi ni Yena ataha mwa mukwa o swana. Cwale ki Yo fa ukutile hape; ka zebupilwe kaufela, Bibele, ni lika zeňwi kaufela, li bonisa fo lu zamaela.

Linaha za ikaba, Isilaele wa zuha,  
Ki lisupo ze ibulezi kale Bibele;  
Mazazi a Bamacaba a balilwe, (mutalime fa  
sikwata sa masila se lunani se), ni misima  
yekatilwe,  
Mukutele, haenu O, mina bayambaeli.

Yeo ki niti. Ki hande mukene mwateni kapili, haiba mwa ya.

Ni bata kukwala mwendi ka mizuzu ye ketalizoho fela, ye lishumi.

<sup>176</sup> Mulemuhe siemba tuna sabutokwa, sa lubasi. Muuna ni musala hae ha bakoni kuba lubasi lwa niti konji haiba ki alimuňwi. Bana ni kuba cwalo. Haiba haba cwalo, ha ki lubasi lo lunde; musali uhohele neku le, mi ni muuna u hohela neku lisili. Sani sikona kueza lubasi lo lu maswe. Kono mwa kutwano, ka lilato ku yomuňwi ni yomuňwi, lo kona lubasi. Mi cwale sani neli siemba sabutokwa sa Mulimu, mi cwale lubasi lwa niti kaufela lwa Mulimu fa lu bonisa cwalo. Mwabona?

Mi cwale lubasi lwa Siemba sabutokwa lutile hape, Kreste ni Munyaliwa wa Hae, ba itukiselize kutaha. Adama wa Bubeli, Eva wa Bubeli, ba itukisize cwale kukutela kwa Hae ku bona. Mi siswaniso ka kutala si pulusiziwe. Kuzwa ko ne si inzi, ku li kutisa, mwabona, ku litisa fela kuli kutisa hape. Kasamulaho . . .

<sup>177</sup> Ka zazi leliñwi, ne ni yemi kwanu mwa Baana ba Pisinisi ya Sikreste. Buñata bwa mina, Na sepa, nemuli teñi. Hane Ni utwile kuli muprisita wa Lutheran, kamba mukutazi, kamba na lukela kuba ya cwalo, ayema kwani mi abulela nto ye maswe yani, ni kueza lisheha ku ze lu lumela. Mi ona Baana ba Pisinisi Yetezi ya Sikreste bani inge bana ni muuna yani kwani, inza bulela sani. Na tinile kola ya hae inge iwile hande kwa matuko. Buñata bwa bona baeza cwalo cwale. Mi ki hali, "Cwale, batu ba ni buzanga kuli kiñi ha Ni kutisanga kola yaka mwatasí, bali, 'Kana bakona kuku bulelela ku muprisita wa Katolika.'" Ali, "Hakuna shutano, mi haku lukeli kuba ni yekana." Ki hali, "Kaufela luna lu bana ba Mulimu." Ki hali, "Na ziba muprisita wa Katolika ya mata, mwabona, ya kona ku fumaneha kai ni kai."

<sup>178</sup> Cwale hamukoni kuba kai ni kai kusina kuba ya ziba lika kaufela. Mulimu yena mane ha fumanwi kai ni kai; Mulimu uziba linto kamukana. Ya ziba linto kaufela, seo si Mu eza kuba ya fumaneha kai ni kai, Wa ziba linto kamukana. Kono, kuli abe Mutu, Una ni kuba ku Mutu alimuñwi. Ka kuba ya ziba linto kamukana—ya ziba linto kamukana, Wa kona kuba kai ni kai. Kakuli, Wa ziba linto kamukana, mi na li zibile ku sikaba kale ni . . . Na zibile, lifasi kaufela li sika kalisa kale, kuli ki liñanya le likuma kai, linda, kuli ki likokwani zekai, ni kuli ki linako zekai halika kobya meto a zona, ni lika kaufela ka zona, mwabona, kakuli Yena ufumaneha kai ni kai. Mina hamukoni kuba baba ziba lika kaufela—baba ziba lika kaufela kusina kuba ya sa shwi. Mi kuna ni fela alimuñwi ya sa shwi; Mulimu. Amen! Mi cwale lwa . . .

<sup>179</sup> Ki sikamañi seo? Ki diabolosi, ku baisa ona kwa silaha sani. Mañi ni mañi una ni kukena mwateni, ona cwalo fela sene ibulezi Bibele. Mi ki se fa, mwabona, kutaha mwahala Mapentekota, ni kuba hohela fela mwateni sina cwalo . . . Ki nako ye cwani!

<sup>180</sup> Oh, kasamulaho wa bupaki bwani, mutu yomuñwi ali kuna . . . Ni—Ni . . . Neli nto yende Ne ni sika bulela zeñata, kakuli neba ka ni latela mwa tolongo kwani. Kono Na hupula fela kuli, "Ki sani fani."

Si—sicaba se si lutilwe, sa ziba. "Baba butali baka ziba Mulimu wa bona, mwa lizazi lani," ku bulezwi cwalo ku Daniele. Eeni, sha. Mwabona, "Baba butali baka ziba Mulimu wa bona." Ba libelezi zona lika zee.

<sup>181</sup> Kono hane Ni boni sani ha si ezahala, mi ni Mapentekota bani ba yemi ni yena fani! Neba Oral Roberts ani talima fela ona *cwalo*. Se nili, “Oh, mawi!” Uh! Kono, a yeme fani ni tuto ya hae, ya cilokile, mwa ziba, ni zeñwi *cwalo*.

<sup>182</sup> Cwalo haki cona mwa cilokisezanga Mulimu ba Hae. Ha cilokisi ba Hae ka tuto. Yena u ba cilokisa mwa ku ishuwa, mwa—mwa mata a Linzwi la Hae leli bonahalile, ku bonisa mwa sibupeho sa Bubeke kone Bu zwile.

<sup>183</sup> Cwale, mutu yomuñwi na ni bulelezi, kuli, “Muzwale Branham,” ali, “kuna ni nto iliñwi ye Ni sa utwisisi ka wena.”

Se nili, “Kinto mañi yeo?”

<sup>184</sup> Ne lu yemi kwani mwa muyaho... Na sepa, Kezeli Dauch ni babañwi, kasamulaho Ni mano swalana mwa lizoho ni Bill, mi ne ni yemi kwani; mi kaufela ba ya kwa lilulu, ni sikhata sa batu kaufela. Mukutazi a tundana ku fumana nzila, ni kola ye fetuhezi kwa matuko, mi ali, “Kiñi kanti ha u omanyanga batu kamita?” Mi ali, “Batu bani ba ku lumela kuli u mutanga a Mulimu, mi u yo munde ha munati ku bona, ni lika kaufela.” Ali, “Nako kaufela Ni sa utwa fela ha u yema, wa ba omanyanga basali luli kufeza, ka za kuba ni milili ye mikuswani, ni ka za kutina tuputula, ni kuipeya mipende, ni lika zeñwi zani kaufela; ni ku ba omanya katata batu bani kufeza, ni kuba bulelela mo ba bezi baba bata ni baba enya fela ni kusa iseza ngana kwa lika.” Ali, “Kiñi ha u ezanga ona *cwalo*?” Ali, “Batu bani ba ku lata. Ukona kuba cwani mwana ya latwa ki Mulimu kanti ueza lika ze *cwalo*?”

Na hupula nali, “Mulena, ni lumeleze ni alabe muuna ya butali yoo. Mwabona? U ni lumeleze fela ni mu alabe, kokuñwi, fa sibaka fa ka itamelela muhala wa hae.” Eehe.

Se nili, “Kihande,” Se nili, “muñaka, kana u kile wa bala ka za muhatisi wa lipina yomutuna ya bizwa... muloki yomutuna wa lipina ya bizwa Beethoven?”

Yena ali, “Oh, luli, Ni balile ka za Beethoven.”

<sup>185</sup> Se nili, “Na pazaulanga hahulu mapepa kutaza lizuma za mapepa a sinyehile, kono na fa kwa lifasi liemba zabutokwa.” Na si ka atamisa mulomo wa hae ni kubulela linzwi. Se nili, “Hana inzi mwa sibaka sa ku balela sa hae mwatasa susumezo, na bata kuñola taba yeñwi. Na kenanga mwa sibaka sa ku balela sa hae mi wa lapela. Ne ku si ka luka, na pazaulanga ni ku a latela mwa sizuma sa masila. Kono hana felize, mwa susumezo kaufela, lifasi laba ni siemba sabutokwa.”

Oh, mo li pumakelanga Linzwi, kono Li tisanga liemba za butokwa; uh-uh, kuzusa makapi kaufela ni mataka kwateni. Li tisanga Siemba sabutokwa.

<sup>186</sup> Nina ni mizuzu ye supile ya ku mi bulelela sene si ezahalile maloba, kuli luzwe ka nako. Sikulu haibala sili, Ne ni inzi kwanu mwa... sibaka se kwanu, sintolo se si lekisa libyana sa

kwanu. Ni bile kwa Pigalle, mwa Rome, mwa France, mi Ni bile mwa New York City, Los Angeles. Kono sikuwata sa basali ba masila hahulu be Ni kile na bona mwa bupilo bwaka ki ba mwa Jeffersonville, Indiana. Nali kuba ni bone butanya ni masila a cwalo mwa bupilo bwaka sina mo Ni bonela mwahala sicaba sani. Ne niinzi fani kufitela pilu yaka iutwa butuku, mi Mulena anifa pono.

Cwale Ni ka mi bulelela pono yeo. Hani zibi kuli Na kona ku i toloka, kono Ni—Ni ka mi bulelela pono ka nako yaka yapili.

<sup>187</sup> Na kena mwa pono. Mi, hane Ni bile cwalo, ne kuna ni Yomuñwi ya nali nina. Ne ni si ka mubona Mutu yani. Neli fela Linzwi. Mi Na—Na talima. Mi ha Ni—Ni talima neku le, A bulela ali, “Munyaliwa uka bonahala ka mubonahalelo wa pili.”

Mi Na talima, kutaha ku na, mi Na bona sikuwata se—se sinde hahulu sa basali baba tinile ka kukena hahulu ku be Ni kile na bona fateni mwa bupilo bwaka. Kono yomuñwi ni yomuñwi, na bonahala inge, na tinile ka kushutana. Kaufela bona neba nami milili yemitelele. Mi neba apezi za mazoho amatelele ni likoci, ni zeñwi cwalo. Basali ba basizana, neba bonahala mufuta o cwalo, Ni kali, mwendi bakona kueza lilimo ze mashumi amabeli.

<sup>188</sup> Cwale Nina ni Bibebe ye kwaluhile kwanu fapila ka fa. Mwabona? Ni kona kubulela fela se Ni boni.

Haiba mu li, “Ki sikamañi se mutualima?” Ni talimela fa waci. “Ki sikamañi so bata?” Ni bata sicaba, ku talimela sicaba. “Ki sikamañi so talimela?” Ni talimezi fa Bibebe. Sani ki sona. Ni bulela Niti. Sani kona se Ni bona. Mi Ni kona kubulela fela se bona. Hani—Hani zibi kuli ki . . . ze cwani kaufela. Ni lukela fela ku mi bulelela.

<sup>189</sup> Kono, Munyaliwa yo, Na sweli kutilima . . . Yena ya na ambola ni na, mi Na, ne lu yemi hamoho. Meeto a hae, Nali ya nali yena ya kenile hahulu, sicaba se si bonahala bunde hahulu ku be Ni kile na bona mwa bupilo bwaka. Ku bonahala inge kuli ikona kuba twelufu, kamba kufitelela, fela . . . Hani zibi kuli ki babakai bene ba itwaelize, kono kwani ki sikuwata fela sa bona. Mi ki Ha fita, hamunati, ni moyo ofuka cwalo. Ni meeto a Hae atalimile mwa halimu, inza talima, ha Na sweli kufita cwalo. Oh, Nali yomunde! Na Mu talima, mi ki Ha fita. Mi yena ali, “Cwale luka bonisa hape . . .” Ali, “Yani ki Munyaliwa.”

“Cwale luka bonisa hape likeleke.” Mi se ba taha. Na ba talima hane ba taha cwalo. Mi haba to fita, yomuñwi ni yomuñwi, ba bonahala inge, bumaswe hahulu. Nali kuba ni bone fateni sikuwata sa masila cwalo mwa bupilo bwaka.

Mi cwale ha Na bulezi kuli, “Yatatama,” Na utwa lilata. Mi ki Ha li, “Yatatama,” ali, “ki seo sikuwata sa ma American si fitile.”

<sup>190</sup> Cwale, Ni mu American, kono se—se ne si ni filikanyize. Na hani zibi hande sikuwa, mi mwa sikuwata se si kopani, kuli ni

bulele sene si ezahala. Na—Na—Na... Mi mu ka bala mwahala mibamba. Kono cwale basali ne ba sweli kutaha, mueteleli wa bona neli muloi. Nana ni ngo yetelele ni mulomo o mutuna tuna. Mi kaufela bona ne ba tinile mifuta ya litino za tunekunda twa mwahali fa; kono kwa halimu neli fela kahala, cwalo, kaka likani fela, ni kahala fela ka licika la inci kene ka kambami fahalimu ni kupotoloha *cwana*. Mi musali kaufela na tinile nto yeñwi ye swana cwalo...

<sup>191</sup> Buñata bwa mina, lilimo za kwa mulaho, mwa hupula hane mupumanga pampili yani, mwa ziba, pampili ya mutende, ni kupanga kalapi nyana fela cwalo? Ki babakai baba hupula sani? Mwa ziba. Kiñi, Ni sepa kuli ba itusisanga zani mwa lipapali za mishini, mwa ziba. Inge tu lepelela ona cwalo, pampili ya ku kabisa, pampili yeswana sina kasila.

Neba na ni nto yeñwi yene babeile kwatasi, sina *cwalo*, inge baitinile kwatasi. Haili siemba *se* kaufela ne si fa ngandaleza.

Mi mañi ni mañi na kutile milili ya hae ka bu kuswani luli, ni lika zene bonahala ye tatani hahulu kaufela yona, milili ye mikuswani luli; mi neba tezi fela mipende. Kaniti hakuna nto isili kono neba bonahala sina macanci mahule ba mwa mikwakwa.

Mi neba zamaya ni pampili ye, mi, sinyeho yateni! Cwale, kaemba ka pampili kona kene ka tiba fela fa pata. Kono hane ba fita ku bonisa za kwa mulaho, kwa mulaho wa bona... Ni kubona mone ba zamaela, mwa buino bwa bona bwa pili ni mukokoto ya bona, ni mo ne ba ezeza lika awa mama!

Se nili, “Kona Keleke yani kana?”

<sup>192</sup> Mi ki yani a fita cwalo. Mi neba opela cwana lipina za ku minyauka ni kufetauha, mwa ziba, kamba mu li bisa cwani, banze ba shetumuka, inge ba opela cwalo banze baya.

Se nili, “Kona Keleke yani kana?” Mi ne Ni yemi fani, mi mwa pilu yaka Ne ni lila.

Mi, yena muloi yoo, mwa mubonelo waka hakusana sika mwa lifasi kono yena ki... Ki yena Katengo ka Likeleke za Lifasi zani, inge a mu zamaisa kuya a shetumuka cwalo inza ya. Ba ya kwa nzohoto, mi ba lateha mwa sinyeho yetuna; inza sweli kuliza katata ona lipina zeo ni ku eza milumo ye sa utwahali hande, ni ku nyanganyisa mibili ya bona, kwa neku leliñwi mi hape ni kwa neku leliñwi. Mi cwale, ona cwalo, inza tundamena ona cwalo, inza zamaya.

<sup>193</sup> Mi Na kala fela kuinamisa toho ya ka, mi Ki hali, “Libelela, Munyaliwa una ni kutaha hape.”

Mi Na talima, mi ki bao ba taha hape. Mi ba fita cwalo, neli sikwata sa likalibe ze munati ze bonahala hande. Kaufela bona neba sweli ku ni talimela, hane ba sweli kufita cwalo. Mi Na lemuha kuli mañi ni mañi na tinile ka kushutana. Mi alimuñwi

kwa mulaho nana ni milili yemitelele ye shetumuka fafasi, mi na iputile *cwana*; mwendi neli mu German kamba nto yeñwi ye cwalo. Mi Na ba talimela.

Mi cwale haba kala ku zamaya, bababeli kamba babalalu ba kubona, kwa mulaho, ba eza inge ba bazwa mwa muzamao, mi Na ba huweleza. Mi ba lika kukutela mwa muzamao hape. Mi Na ba bona, neli fela pono mi ya lateha cinca, kuzwa kuna.

<sup>194</sup> Cwale ki ye toloko ya yona. Libaka lateni... Cwale, muhupule, Ne ni sa zo feza fela kuñola... Ne ni si ka feza, Ne ni sika ñola litaba ze kale. Kono mwa ku kutaza, kakusasana cwana, Ne ni sweli kuli ki nto mañi, kukena mwa kutazo yaka. Kikuli mu lemuhile, keleke neitile fela mwa ponahalo... .

Cwale, yeo ki Niti, balikani. Ndate wa Lihalimu, ki Yena ya ñola Linzwi, uziba kuli Ni bulela Niti. Mwabona? Ni ziba fela kuli Ni bulela fela Niti.

Mi ne ni sa zibi kufitela mwa mizuzu yelikani yefelile, mo ku bonahalezi, kamba cwanoñu nyana fela cwalo, mwabona. Kana mulemuhile? Munyaliwa uka taha mwa ponahalo la bubeli; Peu yapili ni Peu ya bubeli, sibeli sa yona kaniti ki Nto yeswana. Mi libaka lene li shutanel... kutina mwa likalulo ze shutana, Uka taha kuzwa mwa linaha kaufela, uka bupa Munyaliwa ya kwanile. Mañi ni mañi nana ni milili yemitelele, mi nekusina yana tolile mipende, mi neli basizana babande hahulu. Mi neba sweli ku ni talimela. Sani ne si yemela Munyaliwa ya zwa mwa linaha kaufela. Mwabona? Yena, ufi ni ufi na yemela naha, hane ba zamaya ka swanelo mwa buino bwa Linzwi. Mwabona?

<sup>195</sup> Mi, cwale, Nina ni ku Mu tokomela. Uka zwa mwa muhato ni Linzwi lani haiba ha Ni mu tokomeli, Ha sweli kufita cwalo, haiba A fita. Mwendi ikona kuba nako yaka, ha Ni felize, mwabona, ha Ni felize, kamba ki sikamañi kaufela.

<sup>196</sup> Sikamañi? Neba sweli kukutela mwa mulaho. Kulika ka tata luli, mi ne ba kutela mwa mulaho, mukutele fela mwa muzamao; kakuli, neba—neba sweli kutalima kusili cwalo, inge ni talimela keleke yani haikena mwa sinyeho. Kono zepeli... Za kwa pata, neli mukungulu. Kwa mulaho wa bona, bababeli kamba babalalu ba bona, neba zwa mwa muzamao hanyinyani ku keluhela kwa lizoho la silyo, mi ba bonahala kuli ne balika kukena mwa nzila hane ba ya cwalo. Neba ni fitelela, oh, butelele inge kuzwa fa kufita fa limota, ku ni fitelela. Mi Ne ni yemi fani. Mi cwale Na li bona kaufela zona ha li shenya ni ku ya.

Kono, mwa lemuha, keleke fela ne itilo kena mwa ponahalo hañwi, naha ni naha, keleke. Kono Munyaliwa ataha habeli. Mwabona, mwabona kuli neli sikamañi? Cwale, ni sa zibi za teni, kono na talima ku yona ka Liñusa la ka la kakusasana wo. Ne ni sa zibi zani. Mwabona?

<sup>197</sup> Peu ne iwezi mwa mubu kwa Nicaea. Yani neli Peu ya makalelo. Mi Utile mwa mukwa kwa likopano zona ze, zona ze ne

tile fela hañwi. Kono haili Munyaliwa wa taha hape mwa mazazi a maungulo. "Ni na kutiseza." Mwabona, Siemba sabutokwa si tile. Leo kona libaka ha Na bonahalile, ku bonahala sinca, nako ya bubeli. Na bonahalizwe ka nako yapili, mi a bonahala sinca hape la bubeli. Mi Nali ya petehile, ka nako ya bubeli, sina mwa Na bezi ka nako yapili. O Mulimu, ube ni makeke! Akufa, akufa, akufa, Bupilo, kena mwa Bubeke, eza kapili! Uh-huh.

<sup>198</sup> Bani babañwi neba si ka bonahala hape. Ba zwela kwande, ne ba si ka kuta hape.

Kono Munyaliwa ataha hape, kakuli Nali yena Alfa ni Omega. Mulimu, yena Mubeti yomutuna, u Mu ezize kuba Siemba sabutokwa, kakuli Ki siemba sa Hae sa pili sa Siemba sabutokwa. Sina mwa Na ezelize mwa simu ya Edeni, ni kunga siemba kwateni, ni kueza siemba sesiñwi sene si sinyehile ni kuwa, cwale Ubile cwalo ka nako ye kaufela usweli kuyaha zani hape. Mi A tisa Siemba sabutokwa sona se, mi sa holofala, ili kuli... Siemba sani ne si holofalile, ne si lukela kutisa Siemba sabutokwa sani, hape.

<sup>199</sup> Kacwalo, Siemba sabutokwa ni Mwana Mulimu, Siemba sabutokwa ni Munyaliwa, mi Ki siemba sa Hae, se si lukela ku talelezwa kwa Linzwi. Linzwi li talelelizwe, mi lu itukiselize Kutaha kwa Mulena.

<sup>200</sup> O Keleke ya Mulimu yapila, ha muinamise lipilu za mina ni—ni mina kasibili ku Mulimu. Liki ze ki za niti. Ni ziba kuli li utwahala cwalo, inge nto yetuna yekona ku ezahala, ika hasana hahulu hala mafasi. Kwali kuba kube cwalo. Yena ha cinci nzila ya Hae. Mu itumele fela, Keleke, mu itumele kuli muinzi fo muinzi fo kacenu haiba mu ku Kreste. Kakuli, mwa bona, cwale, mi haiba sani...

<sup>201</sup> Muhupule, Bupilo bwani kaufela bu ka kopanela mwa Bubeke, kwa zuho, kono lutaka lu na ni kucisiwa pili. Babañwi baba siyezi; sikapi ni lika kaufela, lina ni ku sinyeha, mi likaba ona cwalo. Musike mwa sepa mwa lika zamina, mwa likopano zani. Mupile ni Linzwi, ni Bupilo, Mulimu ni Siemba sa Hae sabutokwa.

<sup>202</sup> Cwale ki sikamañi ka za Mileniamu? Kreste ni Munyaliwa wa Hae, kwani kwa mulaho mwa simu ya Mileniamu. Amen!

Na Mu lata, Na Mu lata  
Kakuli U ni latile  
Ni kuleka puluso yaka  
Fa Kalvari.

<sup>203</sup> Kwani kona kwa Na holofalezi. "Lwa Mu talima kuli ki Ya natilwe, ya holofalizwe ki Mulimu, ni ku nyandiswa. Kono Na holofalezi bumaswe bwa luna, Na holofalezi bumaswe bwa luna."

<sup>204</sup> Kana kuna ni yomukana fa, kakusasana cwana, ki mañi ya siyo mwa Bubeke bwani kakusasana cwana? Mi sina Bupilo ha bu sweli kuzusa kwateni cwale siemba sa mafelelezo kwa sikapi sani, kakuli sikapi sa shwa. Ki babakai baba ziba kuli keleke ya Pentekota ya shwa? [Kopani ili, “Amen.”—Mu.] Ki sikamañi sani? Bupilo bu sweli bwa zwa kwateni. Ka niti, bu zwile kwateni. Mi haiba Munyaliwa yani u bonahalile kale, Ha ni zibi haiba Munyaliwa ha si ka itukisa kale, kanti. [Muzwale Branham ukala kuñuñuna, *Na Mu lata.*]

... Mu lata, Na Mu lata  
Kakuli U ni latile  
Ni kuleka puluso yaka  
Fa Kalvari.

<sup>205</sup> Ni litoho zaluna ze inami cwale. Kana kuna ni babañwi mo baba tabela ku hupulwa? Haiba mu ikutwa kuli ha mu yo mwa...

Balikani, zeo za utwahala hande. Nali kuba ni be ni pono mwa bupilo bwaka, konji haiba kuna ni se si ezahalile, se si latelelwa. Ni bulela Niti. Mi linako zeñwi ze kaufela, haiba Ni bulezi Niti, Mulimu u li pakile cwalo. Mi, Ni bulela Niti nako ye.

<sup>206</sup> Hani zibi lizazi le ba pila ku lona, kono Ni ziba kuli hakuna ze siyezi mwateni. Ha ku koni kuba mutu wa litaba za naha ya kona kutaha ya ka bulela nto ye hande. Lipolitiki, naha se iile. O Mulimu! Kana mwakona, kana mwakona ku tibisa muhupulo kuli—kuli—kuli muutwe sani. Naha i icongile; isiñi naha, kono ki linaha. Se kona sikuwata sesinde kwa likwata kaufela, mi iicongile. Mi, haiba linaha li icongile, konakuli kanti lifasi li icongile. Mi ni likeleke, kwa mulelo wa ka, Pentekota neli yona yende ku zene ba bile ni zona, kono iicongile.

O Mulimu, ulu utwele butuku!

<sup>207</sup> Haiba ha mu Mu zibi, shangwe muakufe, muakufe. Haiba muikutwa Bupilo, muzwe mwa...muzwe mwa sibi sa mina, muzwele kwande a lika ze muli ku zona. Mukene mwa Bubeke, mukene kapili. Muka shwela mwa lutaka, kamba mwa sikapi.

Amu lapele, hanze lu opela cwale. “Na Mu lata.”

Ku itingile ku mina cwale. Haluna kopano, hakuna sika kaufela. Luna ni fela Kreste. Mu amuhezwi ku to lapela ni Yena, ni luna, kufitela A taha. Halukoni kuñola mabizo a mina mwa buka; haluna libuka. Lu bata mabizo a mina abe mwa Buka ya Bupilo. Mukona fela kueza cwalo ka Kupepwa. Kikuli hamuna kueza seo cwale? Ku kupa Kreste Bupilo bo bunca, ami tise mwahali, a beye libizo la mina mwa Buka ya Hae, haiba ha ku cwalo. Konakuli, mwakona ku kopana ni luna, luka tabela kuba ni mina. “Na...”

<sup>208</sup> Mulimu yomunde, tusa mutu kaufela cwale kuli aitekule, kubona haiba lu inzi ku Yena. U lu latile. No holofalezi luna, mi

Iwa Ku talima sina mutu ya natilwe ni kuholofazwa ki Mulimu. Na lapela, Mulimu, kuli Uka biza mañi ni mañi. Mulena, bulela kwa bana, bona balatiwa ba ka, balikani baka. Lumeleza cwalo, Mulena, ona fa cwale, ka Libizo la Jesu Kreste.

<sup>209</sup> Usike wa tuhela ni yomukana kuli alibelele nako yeteletele, Mulena. Ku bonahala ku sabisa hahulu. Kutulo i buzwize kaniti. Mukutuli ya sephahala wa Mulimu uka taha mwa naha leliñwi la mazazi a, licekesi li ka fita kai ni kai; kono Buloto bu ka kubukanyiwa mwa sishete, ku ngiwa, kakuli mwahali mwani kuna Ni Bupilo. Lumeleza, Mulena, kupo kaufela kuli ialabiwe, tapelo kaufela i bonahale fapila Hao.

<sup>210</sup> Na ba lapelela, Mulena. Na lapela kuli Usike wa tuhela ni yomukana ya liteni mo kulateha, Mulena. Ba—ba—ba inzi mwa butata; ba—ba—ba zamaisa ka limaili ze mianda anda. Mi kaufela se lu tokwa, ulife ku luna, Mulena, kaufela sesinde ku luna, Mulena; isiñi zende mwa meto a luna, kono ibe sesinde mwa meto a Hao. Lu bata kuyema sina mwalyanjo ya sina litiba, ya omanyizwe ki Mulimu, kuli lukone ku keniswa kuzwa kwa libi za luna. Mi Ni fa tapelo yaka ku bona, Mulena.

<sup>211</sup> Hani—Hani—Hani zibi kulapela. Lu—lu ambola ku Mulimu Yamata kaufela. Mi seo mutu ali sona fani, seo mutu ya shwa akona kueza kuli ki tapelo yende fapila Mulimu yapila? Kono, Mulena, manzwi aka asika bulela hande, mi ni—ni tulokandina twaka mwa—mwa mikwa ye fosahalile; haiba Wa kona kunga ABC ya mushimani yomunyinyani zazi leliñwi, mi—mi ni kupanga mubamba, Wa—Wa kona ku sa iseza ngana kwa mubulelelo ya manzwi a tulokandina twaka ni kutalima fela se Ni lumela, Mulena.

Na Ku lumela. Na lumela Linzwi le. Mi Na lumelela kwatensi mañi ni mañi mwahali mo. Mi Ni—Ni ba tisa kwa Aletare yani, Mulena, ka tumelo, ili mwahala luna ni Jehova Yomutuna kuna ni Mali a Mwana Hae, Jesu. Mi Mali aka lu ambolela kwatensi. Ha No Mu holofalize fa Kalvari, No ize, “Bulela!” “Mu Muutwe!” “Mi Mali,” Bibele ibulezi kuli, “abulela lika zetuna kufita mali a ngunyana ya mwa Testamente Yakale, kakuli Mali a Kreste abulela zetuna kufita mali a Abele; lika zetuna.” Mi bulela, Mulena, puluso ya luna, halunze lu biza kufitela mwa Mali.

<sup>212</sup> Ndate Yomutuna wa Bupilo, lu hupule, Mulena. Haiba lu—haiba lu ezize sibi, sizuse ku luna. Luna, luna ha lulati kuba cwalo, Mulena. Ha ki takazo ya luna.

Mi lu lemuha kuli lupila mwa nzila ye sabisa hahulu, ye lififi. Sina ha lu bulezi kwa makalelo, luya lu kambama lilundu, lufita mwa libaka ze tata. Nzila ki yensu, kono lu lwezi Liseli. Lukone kubona, muhato ka muhato, hanze luya cwale; kufitela lu kopana, inge *Musipili wa Muzamai*, konji luyofita fa ngo ya Lilundu. Lu zamaise, O Mulisana. Jehova Yomutuna, lu etelete ka Moya wa Hao.

<sup>213</sup> Mi lu ziba kuli lu kwahule ni siemba sabutokwa; kono lu talima kone lu kumuzwi, kona kwa Siemba sabutokwa sa niti, mi lu sepile ku Yena. Luise ku Yena, Mulena. Lumeleza cwalo, Mulena.

<sup>214</sup> Folisa batu kaufela baba kula mo, Mulena. “Ne lu Mu talima kuli ki ya nyandile mi ya holofalizwe. Kono Na holofalezi bumaswe bwa luna.” Siemba sabutokwa sa Mulimu ne si natilwe. “Mi Na holofalezi bumaswe bwa luna; ka muipa ya Hae lwa foliswa.” Folisa bakuli, Mulena, fa pila Kubateni kwa Bumulimu bwa Hao cwale, hanze lu ziba kuli Utensi moo.

<sup>215</sup> Kenisa mioyo ya luna, lipilu zaluna, kuzwa kwa bumaswe kaufela, mihupulo yemaswe kaufela, lingambolo ze maswe kaufela, lika kaufela ze fosahalile. Ulu kenise. Mi lwa lapela, Ndate, kuli U folise matuku a luna, mi luzwe mo lunze luikutwa kuli lu bana ba Hao baba kenisizwe. Mi ka Mali fahalimwa luna, lu bulela ka Mali, ni Linzwi. Lumeleza cwalo, Mulena. Lu kupa ka Libizo la Jesu Kreste. Amen.

<sup>216</sup> Mulimu Ndate, fahalimwa litaulo zee, li toze ka Kubateni kwa Hao, Mulena. Tuhela kuli Kubateni kwa Hao kube ni zona ko li kaya kaufela. Kaufela fo li ka lobazwa, fa mubili kaufela o kula, ha bafoliswe. Ni seo kaufela, haiba kuna ni lapa le li sinyehile kokuñwi, li kopanye, Mulena, wena Mubeti yomutuna. Lumeleza cwalo, Mulena.

<sup>217</sup> Lu bupe, ni ku lueza bana ba bashimani ni basizana ba Mulimu. Lu lumela kuli Munyaliwa usweli kuba ni buitukiso bwa hae bwa mafelelezo. Ni ka natiwa kuzwa kwa kopano kaufela, ona cwalo hamoho, mi kipeto kutulo yetuna ikaba fa. Kufitela nako yeo, Mulena, ba fe buiketo ni tabo, kuli ba Ku sebeleze. Ka Libizo la Jesu. Amen.

Na Mu lata, Na . . . (Kana mwa Mu lata luli?)  
 Kakuli U ni latile  
 Ni kuleka puluso yaka  
 Fa . . .

<sup>218</sup> Cwale kana mwa utwisisa libaka ha Ni mi omanyelize? Sani haki kuli Na mi lata . . . isiñi kuli ha Ni mi lati. Na mi lata. Ni bata Siemba sabutokwa sa Muñi. Ni lukela kupazula ze nyinyani ona cwalo, kono Ni kaba ni Siemba sabutokwa, leliñwi la mazazi aa, haiba Ni si beya hande mwa Linzwi le. Ku lukile.

<sup>219</sup> Cwale Jesu na bulezi kuli, “Ka se batu kaufela baka ziba kuli mu balutiwa ba Ka, kiha mulatana.” Ki kabakalañi haluna ni kuba mwa lilato hahulu ni mañi ni mañi!

Ube o fuyozwi muhala o tama  
 Lipilu zaluna mwa lilato la Sikreste;  
 Yona kopano ya muhupulo omunde  
 Iswana ni yani ya kwa Halimu.

Halu swalaneni kwa mazoho mañi ni mañi.

Halu siyana,  
 Si lu utwisa butuku m wahali;  
 Kono niteñi luka kopana mwa lipilu,  
 Ni ku sepa ku kopana hape.

Unge Libizo la Jesu ko uya,  
 Mwana wa manyando ni bumai;  
 Li ka kufa tabo ni mbombolelwa,  
 U linge kaufela ko uya.

Libizo Lelinde, O kwa munati!  
 Sepo ya lifasi ni tabo ya Lihalimu;  
 Libizo Lelinde, O kwa munati!  
 Sepo ya lifasi ni tabo ya Lihalimu.

Cwale muhupule, mwa musipili wa mina:

Unge Libizo la Jesu ko uya,  
 Kuba tebe kwa sila kaufela;  
 Mi miliko ha i kubeya mwa-... (U eza  
 sikamañi fo cwale?) ... -hali,  
 Bulela fela Libizo leli kenile lani mwa tapelo.

O Libizo Lelinde, O kwa munati!  
 Sepo ya lifasi ni tabo ya Lihalimu;  
 Libizo Lelinde, O kwa munati!  
 Sepo ya lifasi ni tabo ya Lihalimu.

Kufitela lu kopana!

Halu inamiseni litoho zaluna. Oh, Na lata ku opela!

Kufitela lu kopana kwa mautu a Jesu;  
 Kufitela lu kopana! kufitela lu kopana!  
 Mulimu abe ni mina!



*SIEMBA SABUTOKWA* LOZ64-0705  
(The Masterpiece)

Liñusa le ka Muzwale William Marrion Branham ne li katalizwe lwa pili mwa Sikuwa la Sunda kakusasana, Sikulu 5, 1964, ili fa Branham Tabernacle in Jeffersonville, Indiana, U.S.A., lingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)